

846  
С 18

Л. С А В Е Л Ь Е В

# ЗИМНЬОЙ ДВОРЕЦ ШТУРМУЙТОМ

КОМИ-ПЕРМЯЦКОЙ КНИЖНОЙ ИЗДАТЕЛЬСТВО  
КУДЫМКАР • 1954



Советтэз II Всероссийской съезд вылын Ленин провозглашайтö  
Советской власти.

*Художник В. Серов картина выльсь.*

Л. САВЕЛЬЕВ

# ЗИМНЬОЙ ДВОРЕЦ ШТУРМУЙТОМ



Рисунок кез Г. Фитингофлөн  
Переводсö керис В. Я. Боталов

КОМИ-ПЕРМЯЦКÖЙ КНИЖНÖЙ ИЗДАТЕЛЬСТВО  
КУДЫМКАР \* 1954

## ОГЛАВЛЕНИЕ

Ленинлөн письмозэ . . . . .	3
1917 годся арён . . . . .	4
Клад . . . . .	6
Ойся заседаннэ . . . . .	10
Восстаннёлён план . . . . .	13
Измена . . . . .	16
Типография разгромитём . . . . .	17
Военно-революционнэй комитет . . . . .	20
Мунны конецодз! . . . . .	21
„Авроралён“ радио . . . . .	23
Кронштадтё . . . . .	25
Юнкеррез кошшённы Ленинёс . . . . .	28
Ленин мунё Смольныйё . . . . .	30
Заводдэзын . . . . .	32
Смольныйын . . . . .	34
Павловскэй военнэй училище . . . . .	35
Телефоннэй станция босьтём . . . . .	36
„Аврора“ мунё Николаевскэй пос дынё . . . . .	39
Зимньёйын . . . . .	42
Медбёрья прибежище . . . . .	44
Штурм одзын . . . . .	46
Ультиматум . . . . .	47
Зимньёй дынын бой . . . . .	50
Эта кадё Зимньёй дворецын . . . . .	52
Эта кадё Смольныйын . . . . .	54
Эта кадё Петропавловскэй крепостын . . . . .	57
Штурм . . . . .	60
Ленинлөн речь . . . . .	63

Редактор перевода *З. А. Тетюева*


Техредактор *Ф. С. Яркова*  
Корректор *А. Т. Климова*

---

Сдано в набор 26/X 1954 г. Подписано в печать 7/XII 1954 г.  
Формат бумаги 60X92<sup>1</sup>/<sub>16</sub>. Печатных листов 4. Уч.-изд. листов 2,8.  
ЛБ12422. Заказ № 2418. Тираж 1000. Цена 2 р.

---

г. Кудымкар. Типография Молотовского Облполиграфиздата.



## ЛЕНИНЛӨН ПИСЬМОЭЗ

1917 годся июль сизимөт луно, рабочөйезлсь, солдаттэзлсь да матроссэзлсь вооружённой демонстрация лыйлом бөрын, Временной правительство сетис приказ, медбы арестуйтны Ленинос. Большевиккез төдисө: если Ленинсө арестуйтасө, то сийө сэтөн жө виясө. Большевистской партиалөн и быдос мирись уджалссезлөн асланыс великой вождь сэк оз ло.

Мый бы эз ло, колис спаситны Ленинлсь олан!

Партия решитис: Ленин өни жө должен мунны Петроградись.

Июль 11 луно рытнас Ленин дыно локтис Сталин. Баитисө, мый керны. Владимир Ильич пуксис пызан дыно учотик зеркало одзө, перыта бритис ассис тошсө, шырис юрсисө. Öни сийө сьокыт вөли төдны. Сыбөрын отлаын Сталинкөт мунис вокзалө.

Көр Ленин пуксис поездө, медбөрья вагонө, вокзальной часы мыччалис ойшөр. Кылис куимөт звонок. Паровоз сетис гудок. Владимир Ильич петис вагонлөн бөричь площадка вылө. Поезд вөрзис. Сталин сө эшө сулалис перрон вылын. Öтамөдныскөт ния прощайтчисө только синнэзнаныс, чөлөмөн. Поездсө пемытинө



нуотикö колесоэз ёркотисö сё перытжыка и перытжыка. Чулалис минута — и медбөрья вагоныс öшис син одзись...

Куим месяц гөгөр Ленин олис сайласьöмөн. Ся олис шалашын неылын Разлив станция дынсянь. Ленин и Сталин коласын öнi вöли не öтик дас километр — вөррез да ыббез, тыэз да нюррез. И сёжö ния öгамöдныс коласын видзисö ыджыт связь. Ленин гижис письмоэз, нийö гусьон ваялисö Петроградö, большевистскöй партиялөн Центральнöй Комитетö, Сталинло. Кыкись Сталиныс вовлис Ленин дынö Разливö.

Мый йылись гижис Ленин, мый йылись ся советуйтчис Сталинкöt? Ленин гижис вооружённöй восстаннё йылись. Ленин обсуждайтис Сталинкöt буржуазиялö против, контрреволюционнöй Временнöй правительстволö против рабочöйез да крестьяна восстаннёлись план.

## 1917 ГОДСЯ АРÖН

„Миян сайын *вернöй победа*, — гижис Ленин, — сiдз кызз народыс совсем ни матын отчаяннёöдз, а мийö быдöс народыслö сетам *вернöй выход*...“

Да, народыс былись вöлі матын отчаяннёдз. Джын год ни чулаліс сэксянь, кызд народ чапкис царскöй власть, а унаöн я буржык лоис сёлөн оланыс эта кадö?

1917 годся февральын, царскöй власть чапкöм бöрын, Петроградын, Москваын, быдöс страна пасьта вöлісö со здытöмось рабочöй да солдатскöй депутаттэзлөн Советтэз. Этö вöлі народнöй власть, и сія должен вöлі нуötны народсö буржуазия вылын окончательнöй победаöдз.

Но лоис сідз, что Советтэзын унажык местаэсö перво займитісö революциялөн врагез — меньшевиккез да эсеррез.

Меньшевиккез да эсеррез отсötөн капиталисттэзлö удайтчис бöбötны народсö: нія босьтісö властьсö асланыс киэзö, царскöй правительство местаö сүвтötісö буржуазнöй Временнöй правительство.

Мый жö эта правительствоыс сетіс народлö?

Правительствосянь рабочöйез требуйтісö, медбы сія öмлöсаліс фабриканттэзöс, заводдэзын и фабрикаэзын сүвтötіс рабочöй контроль. Но Временнöй правительство эта вылö эз мун: сія дорйис интересэсö фабриканттэзлісь.

Крестьяналö эз тырмы му; нія требуйтісö, медбы нылö сетісö помещиччöй муэз. Но Временнöй правительство эз соглашайтчы и эта вылö: сія сулаліс помещиккез дэр.

1914 годсянь муніс виркисьтан мировöй война; солдаттэз требуйтісö мир. Временнöй правительство эз мун и эта вылö: буржуазиялö войнаыс сетіс выгода, и этасянь правительство нуötіс сійö одзлань.

А кыным дыржык кыссис войнаыс, сыным умöльжык. сьöкытжык лоис рабочöйезлö и крестьяналö, сыным ыджытжык лоис разруха да тшыгьялöм.

Народ пондіс вежöртны: Временнöй правительствосянь и меньшевиккезсянь да эсеррезсянь, кöдна

отсалоны сыло, бурсо нем оз позы видзчисьны. Эта правительствеыс странасо нуото гибельо.

Унао велалис народыс эта кадо. Джын год борлань сыло кажитчис, что медглавноыйыс — избавитчыны царской власть дынись, быдос мукодыс локтас ачыс. А они сия адззис бура, что правось волисо Ленин и большевиккез: главной бойез волисо одзланьын, медважноыйыс — мездотчыны капиталисттэз власть дынись.

Рабочоыйез, крестьяна, солдаттэз тысячаэзон пондисо гижсьыны большевистской партияо. И если одзык Советтэзас унажыксо пукалисо меньшевиккез да эсеррез, то они Советтэзас народыс пондис борйыны большевиккезос, сидз кыз веритис только ныло.

Ар жежас уна содисо сэтшом муэз, кодно крестьяна мырддисо помещиккезлись. Рабочоыйез дугдылисо уджавны фабрикаэзын да заводлэзын, объявляйтисо забастовкаэз. Солдаттэз откажитчисо выполнятны офицеррезлись приказаннээз и мунлисо фронт вылись...

Ленин да Сталин быдос это адззисо. И ния вежортисо: кыскыны сэсся оз туй, колло пондотны восстанне.

Но медбы вооружённой восстанне воли удачноыйон, медбы народыс вермис победитны, сы жежо колис буржыка лосьотчыны.

„Лосьотчо жо виль битваэз жежо, миян боевой ерттэз!“ — призывайтис партиялон VI съезд, кода воли чукортюма недыр мыйись Ленин мунюм борын. Съездон руководитис Сталин. VI съезд иньлотлис партиясо и народсо вооружённой восстанне выло.

## К Л А Д

Пемыт сентябрьской ойон, кор городын быдонныс узисо ни, Выборгской стороналон шытом местаын пантасисо кык морт. Отыс ны коласись воли Эриксон заводись слесарь, порись большевик. Модыс уджалис



кочегарон эта жё заводын. Чёлөмөн, отамодныслө шысеттөг, ния мунисё ордчон пустой улица кузя.

Кадись кадё муниссез сувтчылисё да кывзисьлисё: оз я кинкё ны бёрсянь лок? Но омөн вөлі шы не төв, ойся чөлөмын оськөввез некинлөн эзё кылө. Көр төдасё, что нийё некин оз вөджжы, ния бёра мунисё одзлань.

Вот ния туй вывсис кежисё, петисё кытшөмкө забор вевдөрөт. Ны одзын өні съод видзис көрттуй полотно. Отамод дынсянь ылынокдя пемыта сотчисё стрелкаэзлөн фонаррез, кытөнкө ылын тыдаліс семафорлөн гөрд биок, өтнөж и гажтөма горалисё телефонной проводдэз.

Ния поперегалисё рельссэз. И сразу жё лоис эшө пемытжык: ния инмисё кыззасьнькө. Пемытсис басөка тыдалісё пуэзлөн чукыля чочком стволлэз.

— Адззам я? — вдруг юалис кочегар, көда вөлі совсем эшө том, чужөмнас вачкисис зоночка вылө.

Ассис спутниксё сия вөрзьөтис сосөттяс. Сылө, тыдалө, гажтөм лоис пемытінас.

— Куньөм синнэзөн адзза, — увереннөя ответитис старик. — Да ме и бумажка быдколь случай понда съөрам босьті, сы вылын 'быдөс мыччалөма.

Сия сувтчис мыр бөкө.

— А ноко, Федя, мыччав искусствөтө, — висьталіс сия вдруг.

Кочегар вайөтис кисё өм дорас и горөтис куимись, паровоз гудоклө подражайтөмөн. Чулалис кынымкө секунда. Кысянькө ылісянь паныт кыліс куимпөвса гудок. Чожа пемытас кыліс колесоэзлөн дзуртөм, вөвлөн съөкыта лолалөм. Мыр бокас сувтчис подвода. Сы вылісь чеччөвтисё зыррезөн да геззээзөн кынымкө морт.

— Быдөс бур? — юалис кинкё ны коласись. — Эдө эшө адззө кладсө?

— Клад! — серомтчис панит старик. — А мый жö, мыйон не клад? Эшö буржык!

Сия паськötис бумажка, мыйкö думайтыштис и увереннöя нуötис быдöннысö öдва тöдчана векнитик туек кузя.

— А вот и знак! — карманнöй фонарьлис югöрсö пу выlö иньдötöm бöрын влруг висьталис сия. И быдöнныс казялисö кач вылис ятнöя кералöм косöй крест. — Тасянь кыкдас оськöv.

Ния мунисö эшö кыкдас оськöv.

— Сулав! — висьталис старик. — Гарйыны эстон! И зыррез öтдруг мортчисö муö.

Сей комоккез резсисö öтмөдөрö. Кок увтын тыдалис ни пыдын яма.

— Мыйкö оз тыдав, — ыштовзисис кочегар. — Поди, не сätи гарьям.



Как раз эта минутао кыліс шы: зыррез пыкисо мыйоко чорыто.

— Сія, сія самой! — радон висьталіс старик.

Нія пондісо лэбтыны ямаись ыджыт ящик. Отик пов янсалис, щельо мыччисис винтовкалон дуло.

— Чожжыка, ёрттэз, чожджыка! — тэрмотіс старик-слесарь. — Югдандоролз колэ ештотчыны. Эшо кык ящик кольччис мусис кыскыны.

Отіккез одзань гарйисо му, модіккез телега дыно кыкисо ящик.

— Но и съокыт! — ящиксо кыскыны отсалико дивуйтчис кочегар. — Донзяс они буржуйезло!

Сідз пемыт сентябрьской ойон рабочойез-эриксоневецез кыкисо мусь ныон важын дзёбом оружие. Нія судзотисо сийо февральын, кор чапкисо царской власть.

Временной правительстволо против рабочойезлон, солдаттэзлон да матроссэзлон июльской массовой вооружённой демонстрацияэз борын министррез пондісо рабочойезлись мырдявны оружие, но рабочойез муо дзёбомон берегитисо сийо одзанься бойез понда. И сэтчин оружиеыс куйліс быса куим месяц.

Они большевиккез руководство увтын рабочойез лосьотчисо виль, решительной бой кежо. Ныло бора коліс оружие...

Сталин указанне съорти большевиккез пондісо лосьотлыны рабочойезлись-красногвардеецезлись военной сборрез. Эно сборресо, это военной велотчомсо чулотлісо рыттэзон город сайын либо пемыт закоулоккезын. А Красной гвардия командиррез понда вөлісо создайтөмось особой курссэз, кытон ня велотчисо лыйсьомо и военной тактикао.

Но не только рабочойезос, — восстанне кежо коліс готовитны сідзжо солдаттэзос и матроссэзос. Ны коласын, унажыксо солдаттэз коласын, уна вөлісо сэтшөмось, кодна умөля вежортисо событиеэз; ныло



коліс об'яснитны, мыля народлө колө лэбтыны восстаннэ Временной правительстволө против.

Көр пондөтчас восстаннэ, өдльон коліс, медбы солдаттэз мунісө рабочөйезлө не против, а өтлаын ныкөт.

Быд заводісь рабочөйезсянь большевиккез требуйтісө, медбы нія топыта йитсисө кытшөм-либо полккөт, көда сулалө Петроградын. Большевиккез чулөтісө солдаттэз коласын пропаганда, лэдзлісө ны понда особөй газетаэз. Рабочөй да солдатскөй депутаттэзлөн Советтэз пыр большевиккез старайтчисө рабочөйесө да солдаттэсө өтлаөтны.

Октябрь пондөтчөм кежө восстаннэ понда почти быдөс вөлі готовитөм ни.


1917 годся октябрь 7 луно Петроградө бертис Ленин.

## ОЙСЯ ЗАСЕДАНИЕ

Поезд өні только локтис Удельная пригородной станция дыно. Пассажиррез тэрмасьөмөн петисө вагоннэзись. Видзчисьтөг нийө кытшөвтісө юнкеррез<sup>1</sup> и пондісө проверяйтны документтэз: юнкеррез кошшисө Ленинөс.

Эта кадө поездлөн паровоз вөлі мездөтөма вагоннэз бердісь и перыта ыскөвтис бөр. Сыбөрын сія вдруг сувтчис. Паровоз поспу вылісь чеччөвтис очкиэза неыджыт мыгөра дзор морт. Кымөс вылас ассис

<sup>1</sup> Юнкеррез — царскөй военной училищеэзись велөтчиссез. Училище кончитөм бөрын нія керсьылісө офицерезөн.



паськыт поля сьод шляпасö вештöмөн сiя перыта иньлöтчис рельссэзöт.

Этö вöли Ленин. Владимир Ильич полöн мунис городö, Выборгскöй сторонаö, кытөн сы понда вöли ни партияөн лöсьötöма Сампсониевскöй проспект да Сердобольскöй улица угöлын 92/1 номера керкуын секретнöй квартира. Владимир Ильичлö вöли сетöма торья комната. Квартира балкон дынöt нюжалис водосточнöй труба. Эга вöли бур: лоас кö опасность, туяс лэдзчыны труба кузя улö, оградаö. А заборын, кöдөн вöли йöрийöма оградаыс, эта понда шедтöма öтик пöв: шогмис кызд бы запаснöй ход. Быдöс вöли керöма одзжык.

1917 годся октябрь 7 лунö эта секретнöй квартираö и локтис овны Ленин.

Ашынас Ленин адззисьлис Сталинкöt. Кынымкö час сьорна нiя вöлисö öтлаын. Сталин висьтасис Владимир Ильичлö сы йылись, кызд лöсьötчöны восстаннё кежö.

А октябрь 10 лунö рытнас, куим месяца пере-

рыв бõрын первуись, Ленин локтис партиялõн Центральнõй Комитет заселаннë вылõ.

Эта рытõ погодьяис вõли умõль. Мунис кõдзыт косõй зэр. Пõльтис ыажыт тõв, куш пуэз нёкыртис му бердõ, вартчис керку õшыннэзõ. Вõли ва, кõдзыт и пемыт. Сэтшõм пемыт, что кынымкõ оськõв ылынаын эз позь тõдны мортõс.

Эта рытõ, Карповка ю берег дорõt õти-õти мунисез коласись некин эз вермы и думайтны, что эстõн, 32 номера керкуын, õксисõ большевиккез, что õни ния примитõны решеннë, кõда вежас человечество историялись быдõс ходсõ.

Ленин пукалис комната угõлын, учõтик пызанок сайын, гор дынын. Кызд и быдõс эна луннэзõ, сия вõли дзор парика. Ленинкõt ордчõн пукалисõ Сталин и Свердлов.

Вот Ленин босьтис слово и пондõtис ассис речь. Этõ вõли удивительнõй речь.

Бытьтõ решительнõй сраженнë одзын полководец Ленин лыдлис в ан, кõда вылõ вермасõ нагейтчыны большевиккез. Сия велõгис, кызд колõ сувтõтны этõ народнõй вынсõ, кытчõ сийõ иньдыны, медбы босьтны победа.

Этõ вõли речь революционерлõн, полководецлõн, учёнõйлõн. Ленин баитис — и быдõнлõ кажитчис, что ния кылõны не õтик мортлись голос, а голос быдсõн унамиллионнõй народлись, кылõны сы сьõлõмлись пессьõм, тõдõны сьлись медыджыт желанинëз, сьлись не-сокрушимõй воля...

Центральнõй Комитет вõли согласен Ленинкõt: восстаннë пора пондõtны. Но адззисисõ кыка, кõдна голосуйтисõ Ленинлõ против, восстаннëлõ против. Этõ вõлисõ Зиновьев и Каменев — труссэз и предателлез. Эна мортгэс только лыддисõ асьнысõ революционер-резõн — былиссьõ ния вõлисõ капиталисттэзлõн тайнõй пособниккезõн.

Центральнӱй Комитет примитис Ленинлисӱ пред-  
ложеннӱ.

Ой ни вӱли, кӱр историческӱй заседаннӱйс пӱд-  
нассис и Центральнӱй Комитетлӱн членнӱз пондӱсӱ  
ӱтӱкӱн рознитчыны.

ӱтӱрас сӱ эшӱ зӱрис, вӱли сӱтшӱм жӱ кӱдзыт да  
пемыт, кыдз и одзжык. Би некытӱн эз сотчы; быдӱн-  
ныс узисӱ ни.

Городын некин, быдсӱн мирын некин эз тӱд, что  
большевиккез эта ойӱн, восстаннӱ йылисӱ решеннӱ  
примитикӱ, пондӱтисӱ медсмелӱй, человечестволӱн  
быдсӱн история сӱрна медвеликӱй дело!

Одзланься, октябрӱ 1ӱ лунся, Центральнӱй Коми-  
тетлӱн расширеннӱй заседаннӱ вылын Ленин высту-  
питис восстаннӱ йылисӱ кыкчаса доклялӱн.

Предателлез и труссӱз Каменев да Зиновьев бӱра  
выступитисӱ восстаннӱлӱ против.

Ленин и Сталин сетисӱ изменниккезлӱ решитель-  
нӱй отпор, разгромитисӱ нӱйӱ.

Ленин предложеннӱ сӱртӱ вӱли бӱрӱйӱма восстан-  
нӱн руководитӱм сӱртӱ партийнӱн центр, кытӱн  
главнӱйыс вӱли ӱрт Сталин. Партийнӱй центрӱ сӱлзжӱ  
пырисӱ Свердлов, Дзержинский и Урицкий.

Партийнӱй центр вӱли Петроград кӱй Советын  
Военно-революционнӱй комитетлӱн руководящӱй яд-  
роӱн.

Военно-революционнӱй комитет должен вӱли пырт-  
ны оланӱ восстаннӱлисӱ сӱйӱ плансӱ, кӱдӱ примитисӱ  
большевиккез, сӱя должен вӱли руководитны восстан-  
нӱнас.

## **ВОССТААННӱЛӱН ПЛАН**

Кин составитисӱ восстаннӱлисӱ план? И мыйын вӱли  
эта планыс? Ленин, ӱтлаын Сталинкӱт, одзжык наме-  
титисӱ ӱтӱ плансӱ. Ленин гижис ӱтӱ плансӱ партийлӱн  
Центральнӱй Комитетӱ аслас письмоӱзын.

Вот мый гижис Ленин өтiкын аслас письмоэзiсь:

„Комбинируйтны мянлiсь куимö главнöй выннэз: флот, рабочöйезöс и войсковöй часттесö сiдз, медбы непременно вöлiсö босьтöмöсь и *кытшöм колö потеряэз* ценаөн вöлiсö видзöмöсь: а) телефон, б) телеграф, в) кöрттуй станцияэз и г) медодз поссэз“.

Колö только буржыка вежöртны энö дженыт кывесö: нын былись сетöма быдса план.

Мыля Ленин лыддис коланаөн медодз босьтны поссэз?

Сiйөн, что быдöс главнöй учрежденнэз, öтлайн сэтөн Зимнöй дворец, кöдаын вöли Временнöй правительство, вöлiсö Петроград центрн, а рабочöйез олісö город окраинаэзын. Если восставшöйез озö босьтö сразу поссэз, враг ешгас нiйö разьны, и сэк рабочöйез оз вермö шедны город центрö.

Мыля Ленин лыддис коланаөн босьтны кöрттуй станцияэз, вокзаллэз?

Сiйөн, что кöрттуйез кузя неприятель вермис вайöтны Петроградö восстаннэ нырыштöм понда войскоэз. Но если кöрттуйез лоасö восставшöйез кыин, враглö оз лок подкрепленнэ, сылөн лоас етшажык вын.


Мыля Ленин настаивайтiс сы вылын, медбы восставшöйез непременно босьтiсö телефоннöй станция и Главнöй телеграф?

Сiйөн, что телефоннöй да телеграфнöй проводлэз кузя неприятель вермас сетаvны ассис приказаннэз омөн город пасьта, омөн страна пасьта. Если жö телефоннöй станция и телеграф босьтасö восставшöйез, нiя озö лэдзö враглö пользуйтчыны проводдэзөн. Временнöй правительство оз понды тöдны, мый керсьö омөн, сiя лоас янсötöма миркöt; сiя лоас кыз бытьтö игналöма Зимнöй дворецын.

Медбы быдöс этö тыртны, колö бура вооружитны народ. Ленин указывайтiс: колö непременно и кызд позьö чожжыка босьтны Петропавловскöй крепость—



крепость арсеналын куйлõны сто тысяча винтовкаэз, кõдна колõны восставшõй рабочõйезлõ.



Босьтны поссэз и крепость; иньдõтны õт-друг город центрõ быд ладорсянь восставшõй рабочõйезõс, матрос-сэзõс и солдаттэзõс; босьтны телефоннõй станция, телеграф и вокзаллэз; кольцоõн кытшõвтны Зимнõй дворец; босьтны сийõ штурмон и арестуйтны Временнõй правительство, — сидз представляйтис Ленин восстаннелись мунõмсõ.

Сэтшõм вõли восстаннелõн ленинскõй план, мед-правильнõй план, кõда кõсйис победа. Этõ вõли õд-дõён смелõй план, и тыртны сийõ вõли некокнит.

Быль эд, быдлõ вõли вежõртана: восстаннё пондõт-чикõ неприятель ладорын быдõс преимуществоэз. Эд эта кадõ и поссэз, и кõрттуйез, и телефоннõй станция, и телеграф эшõ сы распоряженнёын. Сылõн бура велõтõм армия, ыджытõсь запассэз оружиелõн.

Восставшõйезлõ колас надейтчыны асланыс смелость да напористость вылõ.

Неыджыт норовитõм, минутнõй колебаннё грõзитõны нылõ гибельõн.

Если ния пондасõ сулавны местаын и видзчисьны, кытчõлз враг õктас вын и уськõтчас ны вылõ, ния обязательно õштасõ победа. Нылõ колõ, мõднёж, асланыс сэк жõ уськõтчыны враг вылõ: õктыны быдõс ассиныс вын и мый бы эз ло наступайтны, вешшыны одзлань.

„Раз восстаннёис пондõтõм, — баитис Ленин, — колõ дейсуйтны величайшõй *решительностьõн* и непременно, безусловно вуджны *наступленнёõ*“.

Восстаннёлён ленинскöй план большевиккезсянь требуйтис кöртовöй дисциплина, организованность, решительность и бесстрашие.

## ИЗМЕНА

Ленин дума съöрти, восстаннё должен вöли пондöтчыны видзчисьтöг, сідз, медбы враг эз тöд сы йылісь. Быдöс мераэз эта понда вöлісö примитöмось.

Но эта эз удайтчы.

Зиновьев и Каменев осьтисö буржуазиялö партийнöй тайнасö; восстаннё панытö висьталисö сылісь сроксö.

Эна морттэз, кöдна важынсянь пессисö Ленинлö против, большевистскöй партиясö мөдісö кежötны правильнöй туй вылісь, янсötны сійö Ленин дынісь. Нія быднёж старайтчисö дзугны восстаннёсö. И көр ня казялісö, что нылөн нем оз пет, что партия сёжö муно Ленин съöрын и лөсьötчö восстаннё кежö, ня мунисö медподлöй средство вылö измена вылö.

Октябрь 18 луно меньшевистскöй газетаын Зиновьев и Каменев печатайтисö заявленнё, кöдаын враггез одзын осьтисö восстаннё йылісь Центральнöй Комитетлісь решеннёсö.

Көр рабочöйез тöдісö эта измена йылісь, нійö кутис возмущеннё, негодованнё, ярость. Быль эд, мый вермас лоны подлöйжыкөн: рабочöйез, ассиныс олан жалейттöг, муноны бойö, пуляэз увтö, а эта кадö изменниккез нылö лөсьötöны гусьөн ловушка, сетöны нійö быдсөн враглö!

„Ме баига веськыта,— гижис Владимир Ильич,— что ёрттэзөн нійö кыкнаннысö сэсся ог лыдды и быд вынісь и ЦК одзын и съезд одзын понда пессыны партияись кыкнаннысö исключитöм понда“.

Народ враггезлö отсалис и предатель Троцкий: сія старайтчис, медбы дыржык не пондötны восстан-

нѣсѡ и этѡн дзугны быдѡс сылсь плансѡ. А ѡтѡк аслас речын сѡя висьталѡс восстаннѣ пондѡган сроксѡ да лунсѡ, кѡр большевиккез пондѡтасѡ восстаннѣсѡ.

Быдѡс этасянь вредыс вѡлі ѡддьѡн ылжит: преда-теллез отсалѡс капиталисттѣзлѡ, сетѡс нылѡ кад лѡсьѡтчыны отпор кежѡ. Зимнѡй дворецын Керенский председательство увтын вѡлі чулѡтѡма Временнѡй правительстволѡн секретнѡй заседаннѣ. Кузь пызан сайын пукалѡс дасквать министр и обсуждайтѡс, мый колѡ нылѡ керны, медбы восстаннѣсѡ нырыштны пондѡтчикас жѡ и разгромитны революциялѡс руко-водящѡй штаб — большевиккезлѡс партия.

Вот мый нѡя решитѡс:

Игнавны быдѡс большевистскѡй газетаѣз.

Разьны поссѣз, кѡдна ѡтлаѡтѡны городлѡс центрсѡ сы окраинаѣзкѡт.

Ѳнѡ жѡ корны Дворцовѡй площадь вылѡ юнкер-резлѡс отряддѣз, броневѡй часттез, пулемѡтчиккезѡс и тшѡктыны нылѡ охраняйтны Зимнѡй дворец.

Быдѡс важнѡй учрежденнѣезын сувтѡтны вына воинскѡй карауллѣз.

Корны Петроградѡ войскоѣз Петергофись, Царскѡй Селоись и мѡдѡк окрестносттезѡс.

Иньдыны войскоѣз Смольный дынѡ, босьтны сѡйѡ и арестуйтны большевистскѡй партиялѡс вожддѣзѡс.

## **ТИПОГРАФИЯ РАЗГРОМИТѡМ**

Уль да туманнѡй чеччис город весьтын октябрь 24 лун. Петѡсѡ ни парккезѡс да шумитѡмѡн мунѡсѡ улицаѣз кузя первѡй трамвайез. Пеллезчанѡтѡмѡн пондѡсѡ ни тутсыны фабричнѡй гудоккез, тысячаѣз отир мунѡсѡ уджавны. Учѡтик зѣр увтын продовольственной лавкаѣз ыбѡссѣз одзын пондѡсѡ ни сувтны кузь очереддѣз.

Быдӱс муніс одззамоз.

Некин эз вермы думайтны, что эта луныс лоас великӱй пессӱмлӱн первӱй лунӱн.

Только Кавалергардскӱй улицаын, тыдалӱ, мыйкӱ лоӱма: эстӱн ӱтик керку дынын ӱксӱма толпа.

Эта керкуын вӱлі большевистскӱй типография. Татчӱ быд лунӱ одз асывнас виль газетаэзла вовлісӱ газетчиккез.

Но талун газетчиккез сулалісӱ пустӱй сумкаэзӱн: большевистскӱй газетаэз эзӱ петӱ. Типография ыбӱс вӱлі игана. Пӱрись рабочӱй, типографияись наборщик, пальтоа, но шапкатӱм, сулаліс тротуар вылын. Зэр воттез усялісӱ сы юр вылӱ, но сія этӱ эз кыв.

Волнуйтчӱмӱн сія висьтасис сы йылісь, кызд югдандорас типография дынӱ локтӱмась броневиккез, кызд юнкеррез уськӱтчӱмась типографияӱ и рабочӱйезлӱ абу сетӱмась печатайтны газета, а мымдакӱ печатайтӱм ни газета экземпляррез сотӱмась...

— А тійӱ мый видзӱтӱт? — пондісӱ баитны толпаын. — Кутӱт бы юнкерресӱ шеязӱттяныс да сідз нійӱ зӱгӱтӱтӱ...

— Юнкеррезлӱ против куш киэзӱн он мун, — паныт висьталіс наборщик. — Мийӱ эгӱ сетӱ, дак нія миянӱс штыккезӱн вашӱтлісӱ.

— А мый сӱтчин вӱлі газетаас? — юалис кинкӱ толпасис.

— Сӱтчин вӱлісӱ Ленинлӱн да Сталинлӱн статьяэз.

Быдӱнныс шы эз пондӱ сетны.

— Юнкеррес мунісӱ али эшӱ татӱн? — юалис вдруг том рабочӱй-красногвардеец, кӱда сулаліс толпаас и внимательнӱя кывзіс наборщиклісь висьтасьӱмсӱ.

— Юнкеррес? — мӱдпӱв юалис наборщик. — Сӱтчин нія, — и сія мыччаліс игана ыбӱс вылӱ. — Оградаас нылӱн караул сулалӱ. А мый?



Красногвардеец эз шыась. Сія чожа муніс улица кузя, кежис угөв сайо, пырис аптекао.

— Меным öнi жö колö звонитны больницао, — веськыта телефон дынö мунтөн висьталіс сія.

Но звонитіс сія не больницао, а большевистскöй партиялөн районнöй комитетö.

Сэтчинсянь сэк жö лоöмыс йылісь юöртісö Сталинлö.

Сталин эта кадö вöлі Смольныйын. Сія сразу вежöртіс лоöм событиезлісь быдöс важностьсö. Асылөн 10 час кежö типографиясö выручайтны сія иньліс красногвардеецезлісь да революционнöй солдаттэзлісь отряд. Нія вашöтисö броневиккез и юнкеррезös.

Асылөн 11 час кежö типография лэдзис большевистскöй газета „Рабочöй путь“, кытөн вöлі печатйтöма призыв — чапкыны Временнöй правительство.

А Сталин, кадсö öштытөг, чукöртіс совещаннө вылö партия Центральнöй Комитетлісь членнэзös.

Восстаннө пондöтчис.

## ВОЕННО-РЕВОЛЮЦИОННОЙ КОМИТЕТ

И сідз, битва луныс локтіс. Өні действительно вөлі дона быд минута: мый бы эз ло, а колө одзавны неприятельöс. мырддыны сы киись инициатива, сразу жө нуджны наступленнө.

Эд кынымкө час бөрті Временной правительствөөн думайтөм мераэз лоасө пыртөмөсь ни оланө, и сэк пессыны ськөт лоас унаөн сьөкытжык.

И быдөс эта лоис сысянь, что кынымкө преда- тель осьтісө партийной тайна.

Неужели вредсө, көдө ния керисө, оз позь весь- көтны и врагсө огө ни вермө олзавны?

Нет, большевиккез сөжө вуджасө наступленнө, сразу жө пондөтасө бой!

И вот сэтөн быдөс лоис вежөртана, мымда одз- лань адззисө большевиккез, көр ния одзжык, эшө восстаннө вотөдз, создайтисө Военно-революционной комитет.

Военно-революционной комитетсө возглавляйтис Сталин. Ыджыт удж Комитетас нуөтис Молотов. Ся руководитис гарнизонын агитационной уджөн, больше- вистской активсө төдсөтис Ленин письмөэзөн. Мед- бөрья луннэзө Военно-революционной комитет керис ылжытсся-ылжыт удж и ештис готовитны народсө бой кежө.

Комитетлөн первой заседаннө вөлі октябрь 20 лунө.

Октябрь 21 лун панытө ойөн быдөс петроград- ской воинской часттезө и военной корабллез вылө Комитет назначитис ассис комиссаррезөс. Ния сэк жө кутчисө удж бердө: бөрйисө революционной солдат- тэзөс и составляйтисө ны коласись боевой отряддэз, босьтісө учёт вылө быдөс оружие, следитисө офи- церрезлөн действиез сьөрын, а ны коласись нийө, көдна мунисө Советтэзлө против, чапкылісө командо- ваннөись.

Октябрь 22 лунся асылон Смольныйо Комитет корис представигеллезос быдос полккезись, кодна сулалисо Петроградын, и баитчис ныког: солдаттэз сэсса озо пондо выполняйтны Временной правительстволись распоряженнеез, ния пондасо кывзыны только Военно-революционной комитет.

Октябрь 22 луно Комитет чулотис быдсон Петроград пасьта многолюдной митинггез; эна митинггез вылын рабочойез и солдаттэз сетисо клятва: кызь только Военно-революционной комитет нийо корас, ния сэк жо петасо оторо оружиеон киэзаныс.

И сэсса октябрь 23 луно быдос заводдэзын и фабрикаэзын Комитет сувтотис ассис карауллэз, вайотис боевой готовностьюо Красной гвардия, заводской телефоннез дынын установитис красногвардееццезлиь круглосуточнойо дежурство.

Фабрикаэзын да заводдэзын рабочойезлиь и красногвардееццезлиь это организованностьо, дисциплинированностьо обеспечитис Ленин и Сталин руководство увтын большевистскойо партия.

Отирлон ыджыт массаэз волюнтаризм вайотомось движениё, и некытшом вын эз ни вермы нийо сувтотны: ния видзчисисо только медборья приказ, медбы иньдотчыны бойо... Быдос эта и сетис большевиккелзо возможность октябрь 24 лунся асыло сразу жо вуджны наступленёо.

## **МУНЫ КОНЕЦО ДЗ!**

Заседанне, кодо чукортис Сталин, кыссис недыр: быдонныс тодисо, мый колло керны. Колис тыртны ленинскойо план. А эта понда методз колис мобилизуйтны революциялиь быдос вын, корны бой кежо рабочойезос, матроссэзос и солдаттэзос.

Центральнойо Комитет петкотис Сталинон предло-

житом колана решеннээ, а Военно-революционнэй комитет сэк жэ пондэс пыртны нийэ оланэ.

Медперво Петроградись быдэс районнэээ иньдэсэ связисттэээс приказон: лэсьотчыны выступленнэ кежэ.

Связисттэээс иньдэсэ и Краснэй гвардия штаб-безэ и быдэс воинскэй часттэээ.

Сия жэ кадэ йитсисэ Петропавловскэй крепостись комиссаркэнт. Комиссар юэртис, что крепостьлэон гарнизон сулалэ большевиккез дор. Комиссарлэ приказитисэ готовитны крепостьсэ бой кежэ, крепость стенаэз вылын сувэотны пулемэттээз, не лэдзны крепостяс некинэс, ния морттээся, кэдна предьявитасэ Военно-революционнэй комитетлись пропуск. Сэссия комиссарлэ тшэктисэ, медбы они жэ рабочэйезлэ пондэотны сетапны крепостнэй складдээсись оружие. Сыбэорын вэли наметитэма, кытшэмэсь именно отряддээз и кытшэмэ поссээз дынэ долженэсь иньдэссыны сы понда, медбы поссээсэ босытны асланыс киэээ.

И эшэ: вэли корэма вооруженнэй вын сы понда, медбы охраняйтны восстаннэлись боевэй штаб — Смольный.

Эз чулав и час мымда, кыздэ Смольный дынэ сьэрсэон-бэрсэон пондэсэ локны красногвардееццэзон да солдаттэээон грузовиккез. Отряддээсись командиррез перыта чеччылисэ машинаээсись и тэрмасисэ Смольныйись отик комнатаэ, сэтчин, кытэон вэли Военно-революционнэй комитет, медбы получитны инструкцияээз.

Улисэ этажын кылисэ сьэкыт кокшыээз да металлэон кальскэотэм: солдаттээз кайэотлисэ вылэ пулемэттээз. Отэорын пэрлалисэ пес, керисэ сысь баррикадаээз. Пуээз увтын шумитисэ броневиккез. Сэтэон жэ сеталисэ оружие и патроннээз. Быдэсэ дынын вэлисэ сувтэотэмэсь ни часовэйез, кэдна проверяйтисэ пропусккез.

Кытшэмэ бы опасно сэтэон эз ло, Центральнэй Комитетись членнээз решитисэ Смольныйись не мунны,



не кольны сійö. И если нельки неприятельö удайтчас босьтны Смольный, песьöмыс пондас мунны одзлань: ния вуджасö сэк Петропавловскöй крепостьö и сэтчинсянь пондасö руководитны восстаннёон.

Ния бура видзисö тöд-выланыс Ленинлись указаннё: „Некөр не орсны восстаннёон, а, сійö пондöтикö, тöдны бура, что колö мунны конецöдз“.

Большевиккез готовöсь вöлисö мунны конецöдз. Революциялөн боевöй вын видзчисис только решительнöй сраженнё кежö призыв.



## **„АВРОРАЛÖН“ РАДИО**

Временнöй правительстволөн ойся заседаннё йылись большевиккез, конечно, эзö тöдö, ния сідзжö эзö тöдö, кытшöм решеннёэз эта заседаннё вылын вöлисö примитöмöсь.

Но полководецлөн искусствоыс этаын и эм, медбы быдкодь учöтик признаккез сьöрти кужны тöдны врагыс замыселлэз йылись и аскадö разьны нійö.

Восстаннёлөн руководителлэз — Ленин и Сталин — кужисö тöдны Временнöй правительстволись планнэз.

Ния тöдисö сы йылись, что Временнöй правительство корис ни отсавны Петроград окрестносттезис полккез, что сія часись часö видзчисьö подкрепленнёэзлись локтöм.

Большевиккез решитисö мый бы эз ло, а сувтöтны энö полккесö туйын, не лэдзны нійö Петроград дынö.

Но эта понда коліс непременно йитсыны эна полккескöt, объяснитны солдаттэзлö, что нылö немла

отсавны буржуазной Временной правительстволө, тшөктыны солдаттэсө бертны.

Кыз жө этө керны?

Используйтны эта понда телефон? Но телефонной станция вөлі эшө враг кыын, сідз что телефон-пыр эз позь этө керны.

Используйтны телеграф? Но и телеграф эшө неприятель кыын, сідз что и этө оз позь керны.

Петроград окрестносттезө иньдыны Военно-революционной комитетлісь представителлезөс? Но кыт-чөдз ния мунасө местаөдз, чулалас уна кад, полккез Петроград дынө ни локтасө.

Нет, и эта оз лөсяв.

Кыз бытьтө петаніныс абу.

И сөжө большевиккез петанінсө адззисө.

Большевиккез төдісө, что Нева устьеын якорь вылын сулалө военной корабль, крейсер „Аврора“. Крейсер вылын эм аслас радиостанция. А крейсерлөн команда подчиняйтчө Военно-революционной комитетісь комиссарлө.

Большевиккез решитісө воспользуйтчыны корабельной радиостанцияөн.

И вот октябрь 24 лунө радио кузя „Аврора“ сетіс Военно-революционной комитетлісь распоряженнө Петроград дынө матісьжык городдэзісь быдөс Советтэзлө:

„...Не лэдзны Петроградө өтік войсковой часть, кода йылісь бы эз төлө, кытшөм положеннө сія примитіс өнняясь событиеез дынө Быд частьлө паныт колө иньдавлыны кынымкө десяток агитаторрезөс, көдна долженөсь разьяснитны Петроградө мунісь войскоэзлө, что нійө мөдөны иньдыны народлө против.

...Колө дейтуйтны строгөя и осторожнөя и, кытөн ковсяс, применяйтны вын.

Войскоэзлөн быдөс передвиженнөез йылісь сэк жө

юөртны Петроградын Смольный институтө, Военно-революционнөй комитетлө...“

Военно-революционнөй комитет төдiс, что места-эзын адззисясө большевиккез; көдна тыртасө этө важнөй распоряженнөсө.

## К Р О Н Ш Т А Д Т Ö

Ленинскөй план сьөрти восстаннөын долженсөс вөлисө участвуйтны рабочөйез, солдаттэз, матроссэз. Но матроссэз Петроградас почти эзө вөлө: матроссэс олисө Кронштадтын.

Кыз юөртны кронштадтскөй матроссэзлө сы йы-лись, что восстаннө пондөтчис, кыз корны нийө Петроградө?


Эстөн радио эз ни вермы пригодитчыны. Радиограммалө оз позь доверяйтны военнөй секреттэз: сiя кокнита вермас шедны неприятельлө. А матроссэзөс Петроградө корөм йылись приказ вөли военнөй секретөн, сийө непременно колiс видзны строжайшөй тайнаын.

Эстөн колiс думайтны мыйкө мөдикө...

Ештiс только лэдзчисьны город вылө пемдан кад, кыз Смольныйись петисө морскөй формаа кык морт. Нiя перыта мунисө Неваланьө. Сэтчин нийө видзчисис ни нейджит буксирнөй катер. Нiя сэк жө торйөтчисө берег дынись. Сiя, көда вөли пөрисьжык, босьтiс ас вылас штурманлись удж. Томжыкыс сулалiс руль дынын.

Этө вөлисө кык большевик, кык матрос. Военно-революционнөй комитет поручитiс нылө шедны Кронштадтө. Нiя кыкисө кронштадтскөй матроссэзлө Военно-революционнөй комитетлись обращеннө — приказ өни жө петны бойө...

Гудоккез сеттөг и биэз өзтытөг катер мунис Нева



кузя одзлань. Штурман сулаліс рулевойкөт ордчөн и напряжённөя видзөтис одзлань.

Вот ния благополучнөя чулалисө Литейнөй пос. Вот и Троицкөй кольчис бөраныс. Эшө олзаныс кык пос: Дворцовөй и Николаевскөй. Неужели нылө оз удайтчы чулавны? Неужели катерсө сётаки сувтөтасө?

Дворцовөй пос счастливөя чулалөм. Кольччө медбөрья — Николаевскөй.

Штурман сё сідз жө напряжённөя видзөтис пемытинө. Туман да лым-пыр небурика ылынінас тыдалө Николаевскөй пос; Нева весьтын сія лэбтисьөма сьод дугаөн.

И вот штурман адззө: посыс разьөм.

Эта умөль признак: поссө вермисө разьны только юнкеррез. И, сідзкө, сэтөн ния караулитчөны, сэтөн нылөн застава.

— Кывзы, — шуө штурман и кисө пунктө рулевөйлө пельпон вылас, — мый бы эз ло, не сувтчыны. Если менө виясө, приказсө сетан тэ.

И сія кыскö писис нельпöв кöсталöм бумага лист—  
Военно-революционнöй комитетлїсь приказ. Рулевöй  
гогышалö юрнас.

Пемыт, чöлїсь катер мунö одзлань. Ровнöя и не-  
бурика стукötö сылөн машина. Посыс сё матынжык  
и матынжык.

И вдруг вылісянь, пос вывсянь, кылö горötöм:

— Сулав! Кин мунö?

— Асланым! — горөн и спокойнöя шыасьö штур-  
ман.

Сія, конечно, тöдö, что сы кывлö озö веритö. Но  
эта вылö сія оз и надейтчы. Быдöс, мый сылö колö, —  
этö выиграйтны кад, кöть кынымкö секунда. Ештыны  
бы кöть невна, кöть невночка мунны пос дынісь.

Катер стрелаөн мунö одзлань.

— Сулав! — горötлöны вылісянь. — Пароль!

Ответ туйö штурман мышкыртчö труба дынö и  
сетö команда: „Полнöй ход!“

Катер дрөгнитіс и уськötчис одзлань.

И сэк жö пондіс кывны лыйсьöм. Мунїсь катер  
кузя юнкеррез лыйлісö винтовкаэзісь и пулемётїсь.  
Пуляэз сідз и киссисö ваö, кырлалїсö кормасö и  
бортсö.


А катер лэбзьö ю кузя, кызд кай. Перыта-перы-  
та, был вынісь стукötö сылөн машина. Катер сайын  
лоö пемыт...

Невнаөн лыйсьöммез лоисö шочжыкöсь. Юнкеррез,  
тыдалö, эз ни вермö пемытсис адззыны катерсö и  
луйлісö öні просто сідз, кызд шедас. Сыбöрын дуг-  
дісö кывны и эна сёрмöм лыйсьöммес.

Штурман кыскис чышьянок и чышкис пымалöм  
чужöмсö.

— Чулалімö! — висьталїс сія и радөн шыннныштїс.

Ойнас катер локтїс Кронштадтö. Военно-револю-  
ционнöй комитетлөн приказ сэк жö вöлі сетöма  
Кронштадтскöй Советлö. Кронштадтскöй матрос-



сэз корабллесö пондисö готовитны мунны Петроградö...

Эта жö кадö петроградскöй большевиккез иньдисö телеграмма Гельсингфорсö. Гельсингфорсас эта кадö сулалис Балтийскöй флот, сэтчин вöлисö уна матроссэз.

Телеграмма вöли öддьөн дженыт, быдöссö куим кылись:

„Центробалт. Иньды устав“.

Восстаннё йылись телеграммаын нем эз баитсы, сын кыз бытьтö подозрительнойыс нем эз вöv. Этасянь сийö и примитисö петроградскöй телеграфас.

Но кöр Гельсингфорсын получитисö этö телеграммасö, сэтчин сэк жö быдöс кораблез вылын лэбтисö тревога и пондисö лöсьöтчыны уйöм кежö: матроссэз-большевиккез бура тöдисö, что Петроградö медбöрьяись вовликö ния баитчисö Военно-революционнöй комитеткöt эта условнöй телеграмма йылись, сы йылись, мый сия пондас означайтны.

„Иньды устав“ — эта вöли: öнi жö иньдö боевöй судноэз и моряккезлись отряддэз.

## **ЮНКЕРРЕЗ КОШШÖНЫ ЛЕНИНÖС**

Сия кадö, кöр юнкеррезлөн застава пос дынын мöдис сувтöтны катерсö, Выборгскöй стороналөн умöля югдöтöм, пемыт улицаэз кузя мунис юнкеррезлөн

мөдік отряд. Эта отрядлө вөлі поручитөма адззыны и кутны Ленинөс.

Отрядись начальник эз төд, кытөн именно сайлась Ленин. Веськыта кө шуны, сія думайтис, Лениныс олө большевистскөй газета редакци яын. Сійөн начальникыс и нуөтис ассис отрядсө Финляндскөй проспект вылын ыджыт керку лынө: сэтөн, өтік комнатаын, вөлі газеталөн редакция. Отлаын решитисө разгромитны редакция, босьтны сэтчинись быдөс рупкописсез.

Юнкеррез локтисө керку дынө и кытшөвтисө сійө.

Большевиккез, көдна уджалисө редакцияын, ошынсянь казялисө юнкеррезөс.

Сэк жө телефонөн редакциясянь звонитисө Краснөй гвардиялөн матисьжык штабө. Сэтчинсянь сэк жө көсйисө иньлыны красногвардеецезлесь отряд. Дас минута бөрті отряд должен вөлі локны.

Энө дас минутасө редакцияын уджалиссезлө кызнибудь коліс вилзсыны асланыс вынөн, не лэдзны пырны эта кадө юнкеррезөс.



Сэк большевиккез керисö сэтшöм хитрость: ня перыта босьталисö комнатаэз вевдöрись номеррез и öшлисö нийö вильмоз, мöдик порядоқын. Этасянь редакциялөн комната лоис мöдик номер увтын, нежели вöли одзжык.

Керку вöли ыджыт, сыын уна вöлисö лисничез, комнатаэз, коридоррез. Эта керкуын юнкеррес одзжык некөр эзö вöвлö. Ня тöдисö только номер, кöда сьöртi колiс кошшыны редакция.

Көр ня локтисö эта комната дынö, нийö кутiс диво и досада, сiдз кыдз редакцияыс сэтөн эз вöv. Öшöм комнатасö кошшытөн ня пондiсö ветлötны коридоррез кузя. А эта кадö как раз ештiсö локны красногвардеецез. Ня юнкерресö кытшöвтiсö и босьтiсö пленö.

## **ЛЕНИН МУНÖ СМОЛЬНИЙÖ**

Октябрь 24 луно рытнас большевистскöй партия Центральнöй Комитетiсь членнэзлö Ленин ыстiс письмо, кöдаын гижис:

„Правительство кок йылас сулалö нечорыта. Мый бы эз ло, колö сийö быдсөн *уничтожитны!*“

Самöй сия кадö, көр Ленин гижис ассис письмосö, Лениныс конспиративнöй квартираö Сталин ыстiс связнöйöс.

Центральнöй Комитет Ленинöс корис Смольнийö.

Владимир Ильич перыта пасьталiс мöдкодь паськөм, пызанiсь кыскис дзор парик и пунктiс сийö юр вылас. Чужöмсö көрталiс ыджыт чышьянөн, кыдз бытьтö сылөн висисö пиннез. Пасьталiс пальто и пыдöжык, синнэсви, пунктiс самöм кепка.

Связнöй кольлалiс Владимир Ильичöс Смольныйöдз. Назапас сия босьтiс сьöрас револьвер. Лоас кö мый-нибудь туй вылын, ковсяс юнкеррезöс ылötны



луйлөммезөн, сетны ассис олан, только бы спаситны Ленинлись олансө.

Отлаын петисө ния отөрө и чеччөвтисө первөй локтан трамвайө.

Владимир Ильич решитис баитны кондукторшакөт, медбы төдны, мый ылына ештис паськавны восстан-нө йылись юорыс.

— Кытчө мунам? — юалис Ленин.

— Паркө, — шыасис кондукторша.

— Мыля сыодза паркө?

— А тэ кин сэтшөмыс? — юалис кондукторша.

— Рабочөй, — шуис Ленин.

— Тожө рабочөй! — лөгөн висьталис кондукторша. — Мыля да кытчө — ачыс оз төд, мый керсьө. Буржуйезос пондам паздыны! Вот кытчө мунам...

Владимир Ильич вөлі рад: сия төдис сийө, мый сылө коліс.

Трамвай кежис паркө. Ленин и ськөт мунісь рабочөй пондісө мунны подөн кузь Шпалернөй улицаөт...

И сэтөн невна только эз ло несчастье: пельос сайсянь петис вөла патруль.

— Кытчө мунат? Мыччалө пропуск! — горөтис патрульлөн начальник.

— Мун одзлань, ёрт Ленин, — гусьөник шуис рабочөй. — А ме пондыла нькөт баитны.

Код моз шатласьөмөн рабочөйыс петис улица шөрө и пондіс патрульыскөт видчыны.

А эта коста ачыс кисө видзис карманас, кытөн вөлі дзевөма револьвер. Патрульнөйезлө некөр вөлі кутчисьны код рабочөйкөт. Начальник өвтыштіс киөн, и патруль гөнитис одзлань.

Недыр мыйись Ленин вөлі Смольныйын ни.

Сталин висьтасис сылө медбөрья событиеезз йылись да Центральнөй Комитетлөн решеннөезз йылись.

Онi восстаннөлөн быдос ниттез вөлісө Ленин да сылөн медматись соратник Сталин киэзын.



## ЗАВОД ДЭЗЫН

Неприятель воспользуйтчис сійон, что телефонной станция вөлі сы кыин: сія выключитис Смольныйлісь быдөс телефоннэз. Кажитчис, öні Военно-революционной комитет и восставшöй народ коласын связьыс орас, рабочöйез и солдаттэз кольчасö руководствотөг, озö пондö тöлни, мый нылö керны.

Но большевиккез эта йылісь думайтисö оджык и ештисö примитны ассиньыс мераэз.

Сёр рытөн Смольный воротаись петис мотоциклистэзлөн ыджыт отряд. Площадь вылын ния сэк жö рознитчисö öтмөдөрö, быдыс мунис аслас маршрут кузя.

Этö мунисö восстаннёлөн вестниккез, Военно-революционной комитетлөн гонещез. Ния мунисö заводдэзö и казармаэзö. Быдөнныс ния сьöраныс кыкисö öтик приказ: пора выступайтны!

Пора выступайтны! Пора пырны город центрö! Пора кытшöвтны Зимнöй дворец!

Вөлі ой, көр Путиловскöй завод дынын сувтчис öтик мотоциклист. Сія поручитис ассис машинасö

часово́й-красногвардеецло́, а ачыс иньдотчис Красно́й гвардия штабо́. Эсто́н сиа сетис начальникло́ выступленне́ йылись приказ да инструкция, ко́даын во́ли вись-тало́ма, кытчо́ именно коло́ мунны путиловеццезло́, кытшом боево́й задачаэз ныло́ сетомо́сь.

Сэк жо́ пондис тревожно́я и горон унявны заводско́й сирена, корны куимнан сменаись рабочо́йе-зо́с. Улицэз тырто́мон завод дыно́ пондисо́ локны тысячаэз отир.

Отик ыджыт заводско́й помещенне́ын сеталисо́ ни оружие, гранатаэз, патроннэз; рабочо́йез тасянь петлисо́ пулемётно́й лентаэзон йиасьомон, киэзаныс винтовкаэзон.

Ото́рын костёррезсянь югыт дырни мунис чо́ж перекличка. Сыбо́рын отряддэз сувтчисо́ строю́ и гусьо́ник, шупыт шагон петисо́ воротаись.

Работницаэз ки выланыс ко́ртавлисо́ го́рд креста лентаэз и но́бо́тисо́ сьораныс бинттэзон да лекарствоэзон ящиккез; ния то́жо мунисо́ бойо́ — отсавны асланыс воннэзло́ да жо́никкезло́.

Эта кадо́ сэтшом жо́ тревожно́й призывно́й гудоккез кылисо́ и мо́дик заводдэзын. Сэтчинсянь сидз жо́ стро́гой порядокын воротаись петлисо́ вооружённо́й красногвардейско́й отряддэз и сайо́втчылисо́ ойся пемытинын.

Ылын Петроград дынсянь, Гельсингфорсын, отмо́з шагняло́мон, пусто́й улицаэз кузя конечто́м ряддэзон мунисо́ матроссэз. Ния мунисо́ вокзал дыно́. Сэтчинсянь неыджыт перерыввэзон, сьорсьон-бо́рсьон Петроградо́ мунисо́ матроссэзон тырто́м поезддэз.

А Гельсингфорско́й гаванись гусьо́ник, кусо́том биэзон, петисо́ морео́ военно́й кораблез-миноносеццез.

Ны вылын павьялисо́ „Быдо́с власть Советтэзло́!“ надписьон го́рд флаггез. Миноносеццез мунисо́ Петроградо́.

## СМОЛЬНЫЙ И Н

Вөлі ойшөр. Город вөйис дзирс пемытінын. Только Смольныйын согчисө биэз, сія быдсөн югьяліс аслас унася-уна бура югдөтөм ошыннэзөн. Арся көдзыт туман-пыр сылөн зданнёйс кажитчис өддьөн величественнөйөн.

Октябрьскөй луннэзө Смольный лоис пролетарскөй революциялөн боевөй штабөн.

Смольныйлөн унася-уна комнатаэз коласісь өтікын вөлі Военно-революционнөй комитет. Татөн, Смольныйын, вөлі сосредоточитөма восстаннёөн руководство. Татөн подписывайтісө оружие сетөм вылө ордерез, намечайтісө, кытчө иньдыны кытшөм отряддэз, лыддисө, мый дырна ния мунасө и Петроград карта вылө отмечайтісө нылісь маршруттэз.

Татчө, Смольныйө, тэрмасисө городыс быдөс районнэзісь вооружённөй отряддэз и, боевөй заданнё получитөм бөрын, бөра мунісө туйө, ойся пемытінас быдыс висьталөм маршрут кузя оськалөмөн.

Смольный подъезд дынө локтісө сө вилісь-вилісь автомобиллез, повозкаэз, грузовиккез, өтмөдөрсянь локтіс отир. Минута кежө эз лөньсьыв тысячаэз голоссэзлөн өтлаасьөм шум, көртлөн кальскөтөм да машинаэзлөн горалөм.

Тасянь Ленинлөн да Сталинлөн воля, көда мыччалө аснас народлісь воля, паськаліс омөн городөт, быдсөн миян странаөт, пыртіс порядок тысячаэз и тысячаэз отир движеннёө, нуөтіс нійө бойө.

Вооружённөй восстаннёлөн гениальнөй ленинскөй планыс пыртсис оланө.

Петропавловскөй крепость вөлі восставшөйез киэзын.

Вөлісө босьтөмөсь ни быдөс поссэз, Дворцовөйся и Николаевскөйся.

Вөлісө получитөмөсь ни известиеэз: Петергофись,

Царскöй Селоись, Выборгись большевиккез кужисö тыртны ассиныс долгнысö — сувтöтны полккез, кöднö корис Временнöй правительство. Эна полккес öнi озö пырö Петроградö.

„Авроралөн“ асывся радиограмма ассис делосö керис.

## **ПАВЛОВСКÖЙ ВОЕННÖЙ УЧИЛИЩЕ**

Сёрөн рытнас Петроградскöй сторонаын Гренадерскöй полк казармаö атшалöмөн, быдсөн нятьөн резсьöм, котөрөн пырис тöдтöм солдат. Сiя требуйтiс, медбы сiйö öнi жö нуötисö полкись комиссар дынö.

Вот мый сiя висьтасис комиссарлö.

Сiя вöли Петроградскöй сторонаын Павловскöй военнöй училищевын обслуживайтан командалөн солдаттэзись öтик солдат.

Эта училищевын велötчöны юнкеррез, а нiйö обслуживайтöны и помещеннёсö дозирайтöны солдаттэз. И вот солдаттэз тöдiсö: юнкеррез получитiсö Временнöй правительстволись приказ, медбы öнi жö локны Зимнöй дворец дынö. Солдаттэз вежöртöны, что мый бы эз ло, а юнкерресö оз ков лэдзны.

Но кызд этö керны?

Кöдкоста локтись солдатыс быдöс этö висьтасис полкись комиссарлö, Павловскöй училищевын вöлисö сэтшöм событиеез.

Обслуживайтан командалөн солдаттэз училищеас адззисö пулемёт и гусьöник петкötисö сiйö öтөрö. Нiя иньдötисö пулемётсö зданнё ыбöс вылö. И көр ыбöсыс оссис и сын мыччисисö юнкеррез, солдаттэз пондiсö нылö горötлыны:

— Одзлань не керны öтик оськöv, пондам лыйлыны!

Юнкеррез сувтчисö; но недыр мыйись ня казялісö: солдаттэс совсем етшаöсь, а ня, юнкеррес, унаöсь. И сэк ня пондисö лöсьöтчыны бой кежö.

Солдаттэз сіджö адззисö, что вынныс неöткодь. Сёжö ня решитисö не отступайтны.

— Кулам эстөн, а Зимнöй дворец дынö тiянöс огö лэдзö! — горöтлісö ня юнкеррезлö.

Умöль бы вöлі солдаттэзлö, кöбы эта минутаö угöв сайсянь эз мыччись автомобиль. Автомобились чечöвтис Гренадерскöй полкись комиссар. Сiя котöртис юнкеррез дынö и висьталис нылö, что если ня öнi жö озö бертö бөр, то Гренадерскöй полк быдсөн петас нылö против.

Мунны против быдса полклö юнкеррез эзö лысьтö. Öтамöдкöt баитöм бөрсянь ня бертисö училищеö.

Правительстволись приказсö ня эзö тыртö — Зимнöй дворец дынö эзö локтö...

Кынымкö юнкерскöй отряд вöлісö кутöмöсь городас и мöдик районэзын, сідзкö Зимнöй дворец дынö юнкеррез локтисö етшажык, нежели видзчисис Временнöй правительство. А казаччöй часттезись, кöдна сіджö получитисö правительстволись приказ, Зимнöй дворец дынас эз лок öтiк.

Эта коста Военно-революционнöй комитет ассис вынсö иньдöтис ни город центрö.

## **ТЕЛЕФОННÖЙ СТАНЦИЯ БОСЬТÖМ**

Этö вöлі удивительнöй и историяын беспримернöй пессьöм. Беспощаднöй и решительнöй, кöда вуджліс местаись местаö.

Этö вöлі пессьöм сы понда, кинлö владейтны городөн и быдöс странаөн: капиталисттэзлö али рабочöйезлö да крестьяналö.

То татөн, то сэтчин видзчисьтöг мыччисьлісö красногвардейскöй отряддэз, вдруг пемытiнсис петлісö

вооружённой рабочейёзён да солдаттэзён грузовиккез. Восставшойез перыта кыгшөвтлисö наметитöм зданнё, лисничез кузя кайлисö вылö, мырддялисö сы охранались оружие.

Большевиккез вайöтлисö неприятельлö видзчисьтöм, молниеносной ударрез.

Рытнас вит часö ния судзöтисö первой победа: босьтисö Главной телеграфлись зданнё. Неприятель öддьон чожа пондис чувствуйтны ассис потерясö: телеграфной провод, кöда нюжалис Зимнойсянь Главной телеграф дынö, самой сия проводыс, кöда Временной правительствосö йитлис быдöс странакöt, вдруг дугдис уджавны.

Ойнас öтик час куимдас минутаö восставшойез киэсö вуджис Главной почтаamt. Ойнас кык часö — электростанцияэз и вокзалмэз. Эшö кынымкö час бöрти — Государственной банк да центральной телефонной станция.

Югдандорас восставшойез босьтисö тюрьма „Кресты“, кöдаын пукалисö Временной правительствоон арестуйтöм большевиккез. Ния пукалисö эсөн нельöt месяц ни. И вот öни камера ыбössэз оссисö, узниккезöс лэдзисö свобода вылö. Ния петисö бледöсь,



умöльтчöмөсь, окасисö ёрттэзкöt, кöдна освободитисö нийö, и сэк жö корисö аслыныс винтовкаэз да мöдик-кезкöt öтлаын мунисö улицаэзö — бойö.

Военно-революционнöй комитетö локтисö юöррез сё вились-виль успехез йылись. Но эна успехес да победаэс сетчисö некокнита. Быдыс ны коласись корис смелость, находчивость, решительность.

Быд случайын большевиккез дейстуйтисö неöт-моз. Кöр против нылö выступайтисö Временнöй правительствöн бöбötöм солдаттэз, большевиккез старайтчисö убедитны нийö, керны асланыс ладорö. Буржуазиялөн упорнöй дорйиссезкöt, юнкеррезкöt, пессикö большевиккез применяйтисö вын, а мукöд-коста хитритисö.

Вот, например, кызд вöли босьтöма телефоннöй станция.

Кöр восставшöйез уськötчисö телефоннöй станция воротаö, оградасис ния казялисö юнкеррезлись ыджыт отряд. Юнкеррез котöртисö нылö паныт, лöсьötчисö лыйлыны. Ния котöртисö рознитчöмөн, и восставшöйезлö некытчö вöли воштисьны, ния чукöртчисö öтлаö: оградаын проходыс вöли векнит. Вöли вежöртана: восставшöйез шедисö кызд бытьтö ловушкаö, нийö часöt быдөннысö лыйласö.


Спасеннёыс, кажитчис, эз вöв. И сёжö большевиккез эзö муно бöрлань, эзö пышшö. Эта опаснöй моментö ния эзö öшö.

— Юнкеррез! — чёткöя да отрывистöя горötис революционнöй отрядись командир, сидз, кызд унажыксö сетлисö командасö офицеррез. — Юнкеррез, сулалö! Кыскö патроннэзнытö!

Юнкеррез дивуйтчöмөн сувтчисö. Атака коста, котöртканыс ния эзö вежöртö, кысянь кылис эта увереннöй, властнöй голосыс. Мукöдыс нерешительнöя пондисö разряжайтны винтовкаэз. Мöдиккез синнэз-наныс кошшисö начальникнысö: сия али не сетис



сэтшөм странной приказаннэсö? Только кынымкö секунда кыссис замешательствоыс. Но эна секундаэс и решитисö бойлись судьбасö. Восставшöйез ештисö векнит проходсис петны оградаö и кытшöвтны юнкеррезöс. Кынымкö минута бöрти ния юнкерресö обезоружитисö ни. Сидз вöли босьтöма телефонной станция. И сэк жö Смольныйлөн телефоннэз вöлисö вились включитöмөсь сетьö, а Зимнойлөн быдöс телефоннэз вöлисö выключитöмөсь.



Враглөн öни эз ло некытшöм связь.

## **„АВРОРА“ МУНÖ НИКОЛАЕВСКÖЙ ПОС ДЫНÖ**

Городлөн центр вöли восставшöйез кыин ни. Öни колис выполнитны Ленинлись медбöрья указаннө: босьтны Зимной дворец и öтлаын Керенскийкöt арестуйтны Временной правительство.

Военно-революционной комитет решитис медперво орöтны главной туй, кöда нуötö Дворцовой площадь дынö, — Невский проспект. Татчö вöлисö иньдöмөсь вына революционной отряддэз. Эстөн, Казанской собор дынын, ойнас вöлисö сувтötөмөсь патруллез, ния некинöс ылöжык эзö лэдзö.

Ойнас жö революционной солдаттэз орötисö Зимной дворец дынö мöдик туй — Миллионной улица. Ния керисö сэтчö застава и понлисö задерживайтны быдöс автомобиллез, кöдна мунисö Зимной дынö нето Зимной дынись. Сидз нылö, например, удайтчис

босьтны грузовик, кōда Зимнѳой дворец дынѳ кыс-кис гранатаэз.

Жагвыв локтисѳ сѳ виль и виль революционнѳой отряддэз. Нія сувтчисѳ Мойка да Зимнѳой канавка набережнѳойез кузя. Зимнѳой дворец гѳгѳорын быд-мис революционнѳой войскоэзлѳн ловья кольцо. Но медбы Зимнѳой дворецсѳ кыгшѳвтны быд ладорсянь, мый бы эз ло, а коліс босьтны Николаевскѳой и Дворцовѳой поссэз. Эна поссэс вѳлісѳ эшѳ неприятель кыын: сѳтчін сулалісѳ выча юнкерскѳой отряддэз; вашѳтны нійѳ сѳтчінісь вѳлі ѳддѳѳн сѳѳкыт.

Военно-революционнѳой комитет сетіс сѳтшѳм приказ: „Аврора“ крейсерлѳ локны топ Николаевскѳой пос дынѳ, юнкеррез вылѳ индѳѳтны пушкаэзнысѳ и, берег вылѳ десант индѳѳтѳм бѳрын, вашѳтны юнкеррезѳс и ѳтлаѳтны поссѳ.

Но крейсерлѳн командир откажитчис пос дынѳ нуѳтны корабльсѳ.

— Крейсер пыдына пукалѳ ваас, — висѳталіс сія Военно-революционнѳой комитетісь комиссарлѳ, — а туй вылын пантасѳлѳны непыдын местаэз. Мийѳ только жугдаламѳ винттэз. Пос дынѳ миянлѳ некыдз не мунны.

Комиссар думайтѳмѳн муніс палуба вылѳт. Сыбѳорын сія сувтчис и сетіс приказ корны дынас матроссѳс-сигнальщикѳс. Комиссар висѳталіс сигнальщиклѳ только кынымкѳ кыв.

— Кызза, — шуис сигнальщик, — лоас керѳм!

И сія котѳртіс улѳ.

— Эн вунѳг, — горѳтис сылѳ бѳрсяняс комиссар, — шедат кѳ син одзѳ юнкеррезлѳ, нія тіянѳс виасѳ!..

Кынымкѳ минута бѳрті крейсер вылісь ва вылѳ лѳдзисѳ шлюпка. Сыѳ пуксисѳ матроссэз и сигнальщик.

Пыж муніс пемытінѳ..



Вөлі пьд ой. Пыж гөгөрын вөлі совсем пемыт, пемыт и лөнъ, только кыліс, кьдз веслоэз увтын плескайтчө ва. Нева весьтө лэдзчисис кокнит туман, сійөн берегдорись биэз өдва тыдалісө. Матроссэз гусьөнник сынисө, а сигнальщик эта кадө меряйтис лотөн юлісь пыдынасө.

Сія сө видзчисис, көр жө сія лотнас адззас непыдын местасө. Но сія сө эшө эз вөв. И вдруг сія казяліс: совсем ни матын — одзас — Николаевскөй пос. А пос дынас берегас — юнкеррез.

Пыж вывсис юнкеррез тыдалісө бура — ния вөлісө югыт вылас. А пыжыс өтлаасис пемыткөт.

Но вот кытөнкө неылын югйөвтіс прожектор, аслас югөрөн невна только эз павкөт пыжсө. Кадсө өштыны оз туй, колө чоужыка мунны бөр.

Бөр мунтөн пыдынасө меряйтны эз ни ков. Матроссэз сынисө быд вынісь. Пемытінас пыжыс лэбзис, кьдз ойся кай, — ва нылат сынны кокнит. Только тыдалө, кьдз веслоэс, борддэз моз, лэбзьоны воздухо, только кылө, кьдз плескайтчө ва...

Көр пыж локтіс крейсер дынө, сигнальщик пер-  
вөй кайис палуба вылө и висьталіс: непыдын местаэз  
абуось, корабль вермас мунны пос дынө!

Кыліс орласяна звонок корабельнөй телеграфлөн,  
пондісө голлыны сьөкыт якорнөй цепpez, — крейсер  
вөрзьөтчис.

Асылөн куим час куимдас минутаө матроссэз  
босьтісө Николаевскөй пос. Асылөн сизим часө мо-  
ряккез и красногвардеещез өтласа вынөн вөлі бось-  
төма медбөрья пос — Дворцовөй.

И кыкнан пос вылөт Васильевскөй остров выв-  
сянь Зимнөй дворец дынө уськөтчисө рабочөйез-  
красногвардеещез.

## З И М Н Ъ Ё Й Ы Н


Зимнөйын эта ойө некин эз узь: сэтчин тожө  
лөсьөтчисө бой кежө.

Ой пондөтчикө, пемытін шебрас увтын татчө  
ештісө локны юнкеррезлөн кынымкө отряд. Юнкер-  
рес пырисө дворец пытшкө, сы паськыт коридоррезө  
да мраморнөй лисниччез вылө. Сыбөрын юнкеррес  
винтовкаэзнысө кольлісө помещеннеас и петлісө  
площадь вылө. И эстөн ния кутчисө удж бердө.

Ния петкөтлісө оградаись кузь сьөкыт керрез да  
площадь вылын, кыкдас шаг ылына дворец дынсянь,  
тэчлісө нійө ряддэзөн. Керсө пуктылісө кер вылө.  
Зимнөй одзын лэбис кыз пуовөй стена. Сія кы-  
тшөвтис Зимнөйсө, сайөвтис дворецө быдөс пыранін-  
нэсө.

Керовөй стена быдкодь местаэзын вөлісө коль-  
мось учөтик өшыноккес — осьтаэз. Осьтаэзись  
тыдалісө пулемөттэзлөн дулоэз. Ошыноккес вөлісө  
керөмось сідз, что нысь туйис лыйлыны и площадь  
кузя и дворец дынө локтан улицаэз кузя.

Юнкеррез Зимньюй-сö рeшитисö пöртны неприступнöй крепостьö. Кытчöдз ния лэб-тисö укрепленнёэз, дворецын мунис Керенский председательство у-тын министррезлөн непрерывнöй заседаннё.



Баитис ачыс Керенский, баитис шоччисьлытöг. Мыйыс только эз вöв сы речын: и большевиккезлö угрозаэз, и ошшасян увереннёэз, и рассужденнёэз сы йылись, мый сия пондас керны восстаннё нырыштöм бöрын. Кузь ладтöм речь мортлөн, кöда öшис опасность одзын, но сылö неохота эта йылись висьтавыны правда!

Сыбöрын Керенский баитны дугдис. Сия чеччис, спинанас пыкис колонна бердö и, морос вылас киэсö крест на крест тэчöмөн, гордöя видзötис омөн.

И сэк пондис баитны Керенскийлөн заместитель — промышленностьлөн министр Коновалов, тканнезлөн фабрикант, Россияын медбогатöй отир коласись öтик морт.

Эта мортис эз видз лишнöй кыввез. Сия тöдис, мый сылö колис. Сия мöдис, медбы фабрикантэзлөн кольччисö асланыс фабрикаэз да заводдэз, помещиккезлөн — асланыс муэз. Сия требуйтис, медбы большевиккезöс лыйлисö быдөннысö öтикöдз, медбы рабочöйезкöt керисö сэтшöм вира расправа, кöдö бы ния век эзö вунötö.

Но быдös эта понда колис войско, ыджыт войско. А войскоыс — сия этö адззис — Временнöй правительстволөн почти эз вöв. И вот, ассис бешенствосö сьöкыта сайлалöмөн, Коновалов веськыта юалис Керенскийлис: кытшöм вооружённöй вын вылö вермас

надейтчыны Временной правительство, кытшом полк-кез локтасо сыло отсавны?

Сийо жо вопроссо сетис и Временной правительствойн иностранной делозлон министр сахарозаводчик Терещенко. Эта выло Керенский эз вермы сетны яснот ответсо. Заседанне кыссис. А Керенский муни аслас комнатаэзо. Эна комнатаэс вилисо сэтон жо, Зимнойын, нын одзык олис царь. Нылон ошын-нэз петисо Нева выло.

Керенский сувтис ошын дыно. Вили асывся сизим час, пондотчис югдыны. И Керенский вдруг казалис: Дворцовой пос, кода неважын эшо вили торйотгома, они вили отлаотгома ни. Пос кузя Зимной дыно локтоны красногвардейской и матросской отряддэз.

Это Керенский эз видзчись. Сыло се кажитчис, что восставшойез ылын, что сылон эм эшо кад думайтны, мый керны. А ния совсем ни матын, дворецкот ортчон.

Сия повзис. Они сыло ковяс ответитны быдос понда, мый сия керис медборья месяцезо, народ одзын быдос аслас преступленнеэз понда. Коло они жо пышшыны. Но кытчо пышшыны, кыз кольччыны ловйон? Эд дворецыс отмодорсянь ни кытшовтома, восставшойез тодасо и озо лэдзо... Сэтон сыло тод-вылас усис, что позьо воспользуйгчыны чужой флагон, например американскойон. Керенский пондис котрасыны дворец кузя, американской посольствоис адззис автомобиль. И сидз, чужой флаг увтын, вевттьом автомобильын, сия сайовтчис дворецсис.

## **МЕДБОРЬЯ ПРИБЕЖИЩЕ**

Локтис октябрь 25 лун.

Почти быдсон город вили восставшойез кыин, только Зимной дворец и сы одзис площадь вилисо неприятельлон.

Зимнӧй дворецын, асланыс медбӧрья прибежищын, ӧтлаын быдӧс асланыс войскоэзӧн, быдӧс вооружӧннӧй вынӧн дзевсисисӧ Временнӧй правительстволӧн министррез.

Мый бы эз ло, коліс нійӧ вашӧтны сӧтчинісь, босьтны Зимнӧй дворец.

Но босьтны Зимнӧйсӧ вӧлі ӧддьӧн сьӧкыт.

Северсянь дворец кытшӧвтӧма ваӧн: Неваӧн и Зимнӧй канавкаӧн. Тасянь сы вылӧ эз позь уськӧтчыны. Кольччыліс, сідзкӧ, южнӧй ладорыс. Но сӧтӧн дворец одзас — ыджыт площадь. Восставшӧйезлӧ некытчӧ сайӧвтчыны, дзевсисыны пуляэз шогья. А дворецсянь площадь кузя лыйлыны вӧлі ӧддьӧн бур.

Сӧтчӧ жӧ юнкеррез ештисӧ дворец одзас лӧбтыны керрезісь укрепленнӧез. Тырмӧмви вӧлі восставшӧйезлӧ мунны атакаӧ, кыз ния сӧк жӧ шедисӧ бы пулемӧтнӧй би увтӧ. А юнкеррез кольччылісӧ бы эта кадӧ укрепленнӧ сайын, почти безопасностьын.

Юнкеррезлӧн вӧлі эшӧ ӧтик преимущество: дворец пытшкын переходдэзӧн пользуйтчӧмӧн, юнкеррез вермисӧ чожа и казавтӧг сосредоточитны выннысӧ то ӧтик, то мӧдік местаын, керны видзчисьтӧм вылазкаэз.

Быдӧс этӧ Временнӧй правительствойс тӧдіс. И сійӧн сія лыддис: Зимнӧйын позьӧ видзсыны подкрепленнӧез локытӧдз — не только кынымкӧ лун, а колас кӧ, нельки кынымкӧ неделя; эд юнкеррезлӧн патроннэз тырмӧмви.

Ӧтик лисниччез Зимнӧйын — сто дассизим, а комнатаэз да заллэз — унажык тысячася. Сӧтӧн тырмис места и войскоэз понда, и оружиеӧн складдэз понда, и продовольствие запассэз понда. Зимнӧйлӧн стенаэз кызӧсь и ёнӧсь, ния вермасӧ терпитны дыркыссян осада.

Да, Зимнӧй вӧлі почти неприступнӧйӧн!

И сёжō большевиккез решитисō босътны Зимнѳй-сō сия жō лунō, октябрь 25 лунō: рытōн нето обя-зательно ой кежō.

## ШТУРМ ОДЗЫН


Военно-революционнѳй комитет лунтыр Зимнѳй дынѳ иньдаліс революционнѳй рабочѳйезлісь да солдаттэзлісь сѳ виль отряддэз.

Луншѳрѳн красногвардеецезлѳ да солдаттэзлѳ отсавны локтисѳ матроссэз.

Пельпоннэз сайын винтовкаэзѳн, морос выланыс ѳшлѳм пулемѳтнѳй лентаэзѳн тысячаэз матроссэз пароходдэз вылісь петисѳ берег вылѳ и сэтѳн жѳ пондисѳ сувтны колоннаэзѳ.

Эта жѳ кадѳ лѳсьѳтчисѳ бой кежѳ Петропавловскѳй крепостыын.

Крепостылѳн комиссар ѳтлаын аслас отсаліськѳт мунісѳ крепостнѳй арсеналѳ. Ыджыт пемыткодъ за-лын сулалісѳ быдѳссѳ кык сотня гѳгѳр пушкаэз. Комиссар муніс пушкаэз коласѳт и бура видзѳтис нійѳ. Но быдѳс пушкаэс, кыз нарочно,





вöлісö жугалöмöсь. Топ кыздз кинкö одзлань ештöма тшыкötны орудиеэсö, бой кежö керны нійö нетуяна-эзöн.

Сідз сія былись и вöлі: эшö кык неделя бöрті восстаннёись полöмсянь Временнöй правительствo сетіс приказ пушкаэз вылісь босьтавны лыйсьöм понда колана приспособленнёез и гусьöн петкötны нійö крепостись.

И вот öні комиссар и сылöн отсалісь бура кош-шисö артиллерийскöй орудиеэз эта могильник кола-сісь кötь öтiк туяна пушка.

Сыбöрын бöрйисö вевдöрсяняс кыздз бытьтö туянаэзö кынымкö полевöй трёхдүймовöй орудие.

Комиссар тшöктіс энö пушкаэсö тарöвтны арсеналісь, сувтötны нійö крепостнöй стена одзö отмель вылö да иньдötны Зимнöй вылö.

## У Л Ь Т И М А Т У М

Сибötчис рыт. Зимнöй дворец вöлі кытшöвтöма быд ладорсянь. Адмиралтейство дынсянь Марсово поле дынödз быдöс улицаэз вöлісö займитöмöсь вос-ставшöйезöн.

Пемытыс сукмис. Лоис сё кöдзытжык. То эстöн, то сэтчин пондiсö öзйыны биа точкаэз — восстав-шöйез öзтісö костёррез. Недыр мыйись быдсöн Мар-сово полеыс вöлі югдötöма костёррез дынісь локтан неötкодь югытöн. Костёррез дынын дзескыт кучкаэзö чукöртчисö солдаттэз да рабочöйез. Нія шонтісö киэз, косьтісö зэрсянь да уль лымсянь вамöм ши-неллез. Мукöдыс шупыта ветлötісö, медбы кöдзыт тöv вылас не кынмыны. Мöдиккез, винтовкаэз вылö нырышсьöмöн, думайтöмöн видзötісö би вылö.

Восставшöйез тöдісö: чожа пондötчас бой. Бой, кöда решитас нылісь судьбаэз, ны челядьлісь судь-баэз, страналісь и народлісь судьбаэз.

Төв вовліс порыввезөн, то бикывсö лэбтіс вылö, то нырыштіс сійö му бердö. И этасянь морттэзлөн вуджөррез вежлісö ассиныс очертаннёэз: то зэлöт-чисö, то вдруг нюжалісö му кузя, страшнöя быд-мисö.

— Ёрттэз! — öтик костёр дынын гора голосөн баитіс том солдат. — Тöдат я тійö, мый миянлö колö, мый вылö мийö талун мунам?

— Тöдам! — пемытсаянь отвечайтісö сылö солдат-тэзлөн голоссэз.

— А тöдат кö, — баитіс одзлань солдат, — то тиянлö быдөннытлö вежöртана, что эта ойөн решайтчö миян судьба: нето овны свободнöй гражданаөн, нето кувны. Да олас рабочöй, солдатскöй и крестьянскöй депутаттэзлөн Совет! Да олас Ленин! Ура!

— Ура! — пондісö горöтлыны паныт солдаттэз да, винтовкаэзнысö кватитöмөн, мöдісö вöлі мунны нй Зимнöй дворецланьö.

Но отрядіс начальник сувтöтіс нійö.

— Видзчисьны Военно-революционнöй комитетлісь распоряженнö, — висьталіс сія.

И солдаттэз бертісö асланыс одзза местаэзö.

Сэтшöм жö басни муніс Летнöй садсянь Адмиралтействоöдз былöс ыджытсая-ыджыт пространство кузя. Быдлаын красногвардеецез, матроссэз, солдаттэз мыдзисö видзчисьны и пессисö чожжыка пондöтны бой. И быдлаын ния терпеливöя одзлань видзчисисö Военно-революционнöй комитетлісь приказ.

А Военно-революционнöй комитет эз эшö сет бой кежö сигнал. Военно-революционнöй комитет Зимнöйö иньліс ассис ультимагум, медбöрья, решительнöй требованнö — предложеннö сетчыны бойтöг.

Военно-революционнöй комитет думайтны сетіс кыкдас минута. Бой эз туй пондöтны сэтчöдз, кытчöдз эз чулалö эна кыкдас минутаыс.

Но вот чулалисö кыкдас минута. И медбöрья, кыкдасöt минутаö локтис противниклөн ответ. Мый жö решитис враг? Но сия нем эшö абу решитöма. Ответ думайтöм вылö сия корö эшö дас минута.

Военно-революционнöй комитет сетö эшö дас минута. Сьöрсöн-бöрсöн жагöна чулалöны минутаэз. Но вот и ния чулалисö. Мый жö öнi ответитис враг?

Сия нем оз отвечайт, сия чöлö.

Лоö вежöртана, что враг быдсөн этö кадсö хитритис; Временнöй правительство восставшöйесö бöбöтлö, старайтчö выиграйтны кад. Сия сё эшö надейтчö, что сылö отсавны чожа долженöсь локны фронт вылись войскоэз.

Сэк Военно-революционнöй комитет решайтö пондöтны штурм.

Бой пондöтчöм кежö сигнал тöдисö революционнöй отряддэзлөн быдöс начальниккез: Петропавловскöй крепость весьтын öзъяс гöрд фонарик; эта бöрсянь крепость пондас дворец кузя лыйлыны пушкаэзись.

Вот вылына Петропавловскöй крепость шпиль вылын öзйö гöрд фонарик. Вот, этö сигналсö казялöм бöрсянь, сетö холостöй лыйöм крейсер „Аврора“.

Öнi Петропавловскöй крепость должен пондöтны лыйсыны боевöй снаряддэзөн.

Зимнöйын быдöс öшыннэзын öтдруг кусötисö ни бизз. Дворец одзын площадь и матись улицаэз лоисö пемытöсь, сьöдöсь. Рабочöйез, солдаттэз, матроссэз лэблисö ни ассиныс винтовкаэз. Пуовöй стена сайын юнкеррез жмитчисö ни пулемёттэз бердö.

Но Петропавловскöй крепостылөн пушкаэз мылякö озö лыйö.

Гöрд фонарик югьялö вылына крепость весьтын, но ачыс крепостыс чöлö, сэтчинсянь оз кыв некытшöм шы.

Некин оз тöд, мыйсянь крепостылөн гарнизон эз видз ассис кöсийсьöмсö. Натьтö, сэтчин лоис мыйкö

видзчисьлытём. Эттшём решительной моментё Петропавловской крепостылён пушкаэз озё отсалё восставшөйезлө...

Но красногвардеецез, матроссэз и солдаттэз эта вылө озё видзөтө, ния пондөтөны бой.

## **ЗИМНЬОЙ ДЫНЫН БОЙ**

Зимной дворец понда бэй пондөтчис өтдруг площадьлөн куим разной конецын: Морской дынын, Александровской сад дынын и Миллионной дынын.

Отирлөн горөглём сорласис пулемётной шыкөт да пуляэзлөн вөснита шутнялөмкөт. Площадь весьтын воздухыс дугдывтөг лыйсьөмсянь истово югылис.

Керку выступез сайө сайөвтчыны старайтчикө красногвардеецез то водлисө, то чеччылисө да котөртисө одзлань, медбы мыйкө дырнаись бөра жмитчыны му бердө. Сидз, дженытик перебежкаэзөн, ния невнаөн вешшисө одзлань.

Эта кадө Морской улица дынө неприятель иньдис ассис броневой автомобиль.

Броневи́к жагөник иньдөтчис восставшөйезлө паныт. Кыз стальной броня вевттис сийө быд ладорсянь, сайөвти́с броневикын пукались юнкеррезөс.

Ассис башнясө жагөника бергөтлөмөн, броневик иньдөтлис пулемөттэсө то шульгаланьө, то веськытланьө и красногвардеецезөс тыртлис пуляэзөн.

Весь лыйлисө броневик кузя восставшөйез. Пуляэз бронясө эз вермө писькөтны.

Сэк отсавны красногвардеецезлө уськөтчисө матроссэз. Ния төдисө, что война вылын броневиккез кузя лыйлөны обычно пушкаэзись. Но абуюсь кө пушкаэз, кольччө пессьөмлөн эшө мөдик способ — способ, кода өддьөн опасной. Сы понда колө необычайной ловкость и полной хладнокровие: колө

өтлао кортавны кы-  
нымкө ручнõй граната,  
сибõгчыны кыдз позьõ  
матõжык броневик ды-  
нõ, чапкыны быдõс  
связкасõ сы колесооз  
увтõ—сэтõн броневик-  
лõн меднекодя места.

Матроссез чапкисõ  
шинеллез и õтмõдõр-  
сянь пондисõ кыссыны броневик дынõ.

Стальной юр кодь ассис гõгрõса башнясõ õтмõдõ-  
рõ бергõглõмõн броневик кыссис одзлань. Мукõд  
матроссез усялисõ ранитõмõсь, мõдиккез сё кыссисõ  
сы дынõ. Вот õтик матрос вермис кыссыны броневик  
дынõ матõ. Ся õвтыштис, быд вынись шупкис  
гранатазõн связкасõ и инмис веськыта колесооз  
увтõ.

Кылис взрыв. Броневик сувтис, сия вõли калечитõм.  
Лыйсыны сесся эз вермы...


Но Миллионнõй дынын да Александровскõй сад  
дынын эта коста мунис упорнõй пессьõм. Революци-  
оннõй отряддэз решитисõ õктыны õтдруг быдõс ас-  
синыс вын, вуджны лыйсьõм увтын площадь и пырны  
дворецõ.

Но лыйсисõ сыбурна, что только неуна вермисõ  
вуджны площадь, орõтчыны юнкеррезõн лэбтõм ук-  
репленнõез-пыр и пырны дворец воротаõ.

Быдõссõ витдас красногвардеец да солдат, витдас  
герой, пырисõ воротаõ.

Ния видзõтисõ бõраныс и казялисõ, что мукõдыс  
зõõ ештõ орõтчыны ны сьõрõ, кольччисõ керрез  
сайõ. Ния вежõргисõ, что õни юнкеррез õтлаасясõ  
и ния, кõдна пырисõ, — лоасõ янсõтõмõсь асласиссез  
дынись.

И сёжõ эна витдасыс зõõ котõртõ бõрлань, зõõ



пондö спасайтчыны. Нія мунісö сё одзлань и, юнкерресö ыбöс дынісь вашöтöмөн, шедісö пемыт подвалö. Нія лиснич кузя уськötчисö вылö, надейтчисö пырны сія комнатаö, кытчö дзевбсисьöма Временнöй правительство.

Но сэтөн нійö видзчисис засада. Видзчисьтöг одзсянь и бöрсянь уськötчисö юнкеррез и кытшöвтисö нійö öтмöдöрсянь.

Сопротивляйтчыны эз позь: нія шедісö ловушкаö. Эна витласыс коласись öтiк эз мезмы подвалсис, эз берт асласиссез дынö...

Сідз кончитчис неудачаөн первöй атака.

Бой муніс одзлань, но лыйсьöммез öні кылісö шочжыка. Юнкеррез эзö вермö восставшöйесö вашötны площадь дынісь, но и восставшöйез эзö вермö босьтны дворецсö.

## **ЭТА КАДÖ ЗИМНЬÖЙ ДВОРЕЦЫН**

Эта рытö Временнöй правительстволөн министррез заседайтисö Зимнöй дворецись богатöя баситöм ыджыт Малахитовöй залын. Көр кылісö первöй лыйсьöммез, быдөнныс нія уськötчисö пышшыны залсис: öшыннэз петісö улицаö, и министррез полісö, что пуляэз вермасö жугдыны стекло и сидзны залö.

Киэзнаныс портфеллезнысö видзöмөн, нія мунісö кошшыны безопаснöй места.

Но вот нія адззисö сэтшöм местасö: дворецись öтiк пытшкись комната, кöдалөн öшыннэс петöны оградаö. Сэтөн нія пуксисö кузь пызан сайö и пондісö чулöтны заседаннёсö одзлань.

Кадісь кадö заседаннёсö дугдötлісö. Комнатаö пыравлісö юнкеррезлөн представителлез и юавлісö: чожа я локтасö фронт вылісь войскоэз?



Министррез и асьныс эта йылісь эзö тöдö: чула-ліс уна ни кад, а войскоэз öнöдз эзö локтö; натьтö, ния совсем озö локтö.

Но юнкеррез представителлезлö министррез эта йылісь эзö лысьтö висьтавны. Ния тшöктисö юнкер-ресö надейтчыны, уверяйтисö нийö, что войскоэз лок-тöны ни Петроград дынö, нийö колö видзчисьны, ния локтасö чожа.

Юнкеррезлөн представителлез мунлісö бөр, пла-щадь вылö. Джын час бөрті ния бöра вовлісö комна-таö и мöдпöв юавлісö: но мый нö? Чожа я локтасö войскоэз?

Сэсся Ораниенбаумскöй школаись юнкеррез вись-талісö, что ния озö пондö сэсся видзчисьны. Нылөн отрядыс былсөн коліс бой мунан местасö и муніс площадь вылісь.

Заседаннё муніс одзлань. Сыбöрын бöра минута кежö вöлі дугдöтöма: видзчисьтöг пондіс звонитны телефон, кöда сы дырна чöліс. Министррез дзарни-

тісö өтамөд вылө, и ны коласісь өтік локтіс телефон дынө.

— Кысянь баитöны? Зимнöй? — кыліс трубкаын голос.

— Да, да! — юрнас пондіс качайтны министр. — Мый кöлө?

— Юалöны Литовскöй полкись, — баитіс одзлань тöдтөм голос. — Мый, ёрт, Зимнöйыс босьтöма ни, буржуазнöй министррез арестуйтöмөсь ни?

— Абу, — гажтöма отвечайтіс министр, — мийö эшö абу арестуйтöмөсь.

— Абу эшö? — дивуйтчис мöдыс, кöда баитіс Литовскöй полк казармаэзісь. — А мийö думайтім... Но лално, всё равно тіянöс чожа арестуйтасö. Прощайте!

Сэссия телефоныс эз звонит. Тыдалө, телефоннöй станцияын сэк жö казялісö ошибкасö и тэрмасісö выключитны Зимнöйсö сетісь.

## **ЭТА КАДÖ СМОЛЬНЫЙЫН**

Сія рытö Смольныйын öксіс Советтэзлөн II Всероссийскöй съезд.

Смольныйлөн ыджыт, быдсөн чочком зал вöлі тыртöма отирөн. Быдöс странаись локтісь делегаттэз — рабочöйез, крестьяна, солдаттэз, матроссэз — пукалісö скамьяэз вылын, стуллэз вылын, öшынподушкаэз вылын, сулалісö колоннаэз коласын.

Съезд осьтік кежö локтісö кватъсто нельдас öкмыс делегат. Ны коласісь большевиккез вöлісö нельсто мымда. Меньшевиккез и эсеррез вöлісö быдöссö сто витдас мымда. Но öлдьөн уна вöлісö сэтшöм делегаттэз, кöдна кöть и сочувствуйтісö большевиккезлө, но ны сьөрö эзö лысьтö мунны, лыддисö, что рабочöйезлөн да крестьяналөн чередь



тырмас вынныс и кужо́мыс босы́тны властьсö да видзны сийö асланыс кийн.

Вот эна делегаттэз вылö и надейтчисö меньшевиккез да эсеррез. Нія старайтчисö повзё́тны сэтшöммесö, кыскыны нийö асланыс ладорö, буржуазия ладорö.

Съезд оссис 10 часö 45 минутаö, самöй сия кадö, көр Зимной дворец одзись площадь вылын мунис бой.

Первой пондiс баитны меньшевик — козалөн кодь тошока офицер.

Тошокнас треситöмөн да быд вынись голоссö вынсьöтöмөн сия пондiс грöзитны большевиккезлö.

— Мөдик, Куимöt, Нельöt, Витöt, Кватьöt, Сизимöt, Кыкьямысöt, Окмысöt, Дасöt, Одиннадцатöй, Двенадцатöй, Особöй и Кавказскöй армияэзлөн армейскöй ксмитеттэз нимсянь, — горötлис сия, сё öддьонжык голоссö лэбтöмөн, сидз что чужо́мыс сылөн сыбöрын гөрдötис, — ны нимсянь ме тiянлö баита: мийö, армия, локтам татчö и пондам пессыны тiянкöt не кывезөн ни, а оружиеөн!

Минута дырна залын вöли лөнъ. И эта кадö кузь, нятьөн резöм шинеля кытшöмкö солдат горötис:

— Ёрттэз, эдö веритö сылö! Ме ачым öни только фронт вылись: армия только сигнал видзчисьсö, медбы мунны отсавны революциялö, тышкасьны буржуазиякöt! Окоппезын олисез требуйтöны чапкыны Временной правительство и öддьон видзчисьöны, көр властьыс вуджас Советтэзлö!

Сэк мөдпöв выступитiс меньшевиккезлөн представитель. Сия висьталiс, что восстаннёыс всё равно не öни дак сёронжык лоас нырышгöма. И, медбы тöдисö быдөнныс, что меньшевиккез сулалiсö бокын и сын эзö участвуйтö, ния, меньшевиккес, решитiсö öни жö мунны съезд заседаннё вылись.

Часылөн стрелка вуджис ни дасөтік час сайо, көр меньшевиккезлөн да эсеррезлөн чукөрок пондiс мунны залот.

Скамьяэз коласот чулясьомон, тэрмасисо ния петанин дыно.

А залын отмөдорсянь шутнялисö, тапөтисö, горөтлисö.

— Дезертиррез! Предателлез! — кылис отик угөв-сянь.

— Волькыт туй! — кылис мөдиклаись.

— Тэрмасьö, тэрмасьö, а то мийö асьным тиянос вашöтамö!

Но недыр мыйись меньшевиккез и эсеррез берти-сö, медбы горөглыны виль угрозаэз. Эта бөрсянь ния мунисö мөдпырся.

И только ештисö ния мунны, кыз вдруг понди-сö кывны пыдын, негора шыэз, быгтö мупытшк-ся сөгалом. Ошыннэзын пондисö дрöжитны стеклоэз, потолок увтын пондiс горавны сьökыт хрустальнöй люстра. Быдөнныс вежөртисö: этö лыйлисö пушкаэз.

И быдөнныс отдруг бергөтчисö ыжыт пемыт, кыммом ошыннэз дыно, пондисö видзөтны сэгчин, кытөн вөли керкуэз сайын нетыдалана Зимнöй, кытөн öни мунис бой.

И эта минутаö залö бөра пырисö меньшевиккез и эсеррез. Повзьөмсянь да лөгасьөмсянь вежсьөм чужөммезөн ния ыксисö:

— Дугдөтö лыйсьөмсö! Сетö распоряженнө, медбы öни жö дугдисö лыйсьыны!

Көр казялисö, что вылө некин оз отвечайт, ния бөра, куимөтпырся, мунисö ыбөс дыно.

Ыбөс одзын сувтчыштикö ния висьталисö торжест-веннöя:

— Төдö: мийö мунам!

Эта пырся некин эз тапөт, эз шутняв — быдөн-ныс сералисö.

— Кынымись тійӧ эшӧ пондылат мунны? — горӧ-  
тис кинкӧ бӧрсяняныс. — Мунитӧ бы ни совсем!

Ӧни залын кольччисӧ только большевиккез и  
нылӧ сочувствуйтисез. Ӧтмоз, сьӧрсьӧн бӧрсьӧн кы-  
лисӧ пушкаэзлӧн сӧ вились-виль гора лыйсьӧммез.

Советэзлӧн съезд уджалис одзлань. Сія висьталис,  
что центры и местаэзын быдсӧн государственной  
властьсӧ босьтӧ аслас киэзӧ.

## **ЭТА КАДӧ ПЕТРОПАВЛОВСКОЙ КРЕПОСТЬЫН**

Мыля жӧ Петропавловской крепость аслас пуш-  
каэзӧн эз отсав восставшӧйезлӧ, кӧр ния мунисӧ бойӧ?  
И кытшӧм этӧ пушкаэз пондисӧ лыйсьыны сыбӧрын  
ни, ойся даскыкӧт часӧ?


Самӧй сия кадӧ, кӧр красногвардеецез, матрос-  
сез и солдаттэз, кӧлна кытшӧвтисӧ Дворцовой пло-  
щадь, лӧсьӧтчисӧ бой кежӧ, а Зимнойын дзевсисьӧм  
министррез обсуждайтисӧ вылӧ иньдӧм ультиматум,  
Петропавловской крепостись комиссар сетис приказ  
зарядитны пушкаэз.

Ультиматумлӧн срок чулалӧмӧдз и, сідзкӧ, бой  
пондӧтчӧмӧдз кольччылис быдӧссӧ кыкьямыс минута.  
И вдруг комиссар комнатаӧ ыбӧсыс оссис, котӧрӧн  
пырис солдат:

— Ёрт комиссар, артиллеристтэз откажитчӧны  
луйсьыны!

Комиссар чеччӧвтис и ачыс мунис отмель вылӧ  
артиллеристтэз дынӧ — тӧдны, мый лоис.

Кисьтис посниг зэр. Киас фӧнарь визӧмӧн, ко-  
миссар мунис отмель кузя сэтчин пӧрлалӧм ёг кучаэз  
коласӧт. Ылісянь, Невалӧн мӧдӧр берегсянь, кылисӧ  
первой ружейной лыйсьӧммез: Зимной дворец дынын  
пондӧтчис ни бой. Ва гӧппезӧт шлӧптӧмӧн, кытшӧм-



кõ ямаэзõ пидзõсви вõялõмõн, комиссар тэрмасис пушкаэз дынõ.

Паныт сылõ петис офицер, ротась командир.

— Орудиеэз сёйõма сём, — висьталис сям. — Первõйся лыйõм коста жõ нийõ рез-паз поткõtлас, и сэк мянõс быдõннымõс вийлас.

Комиссар, кинас револьверсõ кошшытõн, видзõtис офицерлõ веськыта чужõмас.

— Сета тямлõ офицерлись честнõй кыв, — баитис одзлань киргана, пõдõм голосõн офицер, — что эта сидз. Любõй артиллерист висьталас, что эна орудиеэзись лыйсыны оз позь... — сям джõмдис, — õддьõн опасно.

Вõли ойся дасõtикõt час гõгõр ни, кõр Свердлов распоряженнõ сьõрти Петропавловскõй крепостью полигонсянь локтисõ моряккес-артиллеристтэз, а õтлаын ныкõt кынымкõ красногвардеец.

Комиссар нуõtис нийõ отмель вылõ, орудиеэз дынõ. Сэтõн вижгис тõв, качайтис фонаррез, ю вылõt вет-

лісö нылөн вулжөррез, и волнаэз то вовлісö самöй пушкаэз дынö, то мунлісö бөр.

Öтiк матрос мышкыртчис орудиеэз дынö и пондiс нiйö видзöтны. Мөддэс кытшөвтiсö орудиеэсö и чöлісö.

— Предохранителлез абуöсь, — тöv пырiöt кыліс матрослөн голос. — И выбрасывателлез абуöсь. За-творрез тшыкötömöсь. Сiм... Каналын резьбаыс ку-льбма...

Быдöс эта вöлі умöль, öдльөн умöль. Но сөжö матроссэз да красногвардеецез отвечайтiсö: лыйсьы-ны позьö

— Компрессорезын совсем абу масло, — вдруг висьталiс матрос, кöда видзötіс орудиеэз, да сувтiс веськыта.

Эта вöлі самöй страшнöй. И эта вылö сылö не-кин эз шыась, быдөнныс чöлісö. Чöлөмсö дзугис комиссар.

— Терпитасö али рез-паз потласясö? — юалис сiя.

— Веськыта висьтавны оз позь, — отвечайтiс матрос. — Вермас лоны, терпитасö, а вермас лоны, рез-паз потласясö.

— Сэк кыз инö, — юалис комиссар, — пондатö лыйлыны али одö? Тiйö эд асьныт тöдатö...

— Тöдам, — висьталiс матрос, — мый сэтөн баит-ны: колö кö, дак колö. Пондам лыйлыны.

Кынымкö минута бөртi пушкаэз вöлісö заряди-тöмöсь и лöсьötömöсь лыйсьöм кежö.

Матроссэз и красногвардеецез назапас öтамөд-ныскöt прощайтчисö.

Комиссар сулалiс сэтөн жö, öтiк пушка дынын: пушкаыс кö оз терпит, сiйö вiяс öтлаын матрос-сэзкöt.

Кыліс лыйöм... Пушкаэз терпитiсö, взрыв эз ло, снаряддэз лэбзисö веськыта Нева сайö, Зимнöйö. Ма-троссэз тэрмасьöмөн лöсьötісö пушкаэсö виль лыйöм кежö.

## Ш Т У Р М

Кыз только Петропавловскöй крепость пондiс лыйлыны Зимнöй кузя, площадь вылын красногвардеецез, матроссез, солдаттэз сэк жö пондiсö вешшыны одзлань, и бойыс öзйис виль вынөн.

Этö вöли сьöкыт бой, быдöс вöйис пемытiнын, быдöс öтлаасис — эз позь адззыны не зданнёез, не морттэзöс.

Гöрд рöмö мичötöм Зимнöй дворец видзчись-тöг мыччисьлис пемыгiнсис, сiя вöли югдötöма Нева вылын сулалан „Аврора“ да военнöй судноэз вылись прожекторрез югöррезөн. Югöррез нильдалисö стенаэз да крыша кузя, пессисö кватитны дворецö пемытсис. Сыбöрын площадь бöра вöйлис пемытiнын. Но эта тревожнöй пемытiныс вöли тыртöма быдкодь шыэзөн. Площадь вевдöрын кылис дугдывтöм шум, кöда вачкисис море шум вылö. Быдöс сэтөн öтлаасис: отирлөн унася-уна голоссез, оружейнöй да пулемётнöй лыйсьöммезлөн тачкötöм, пуляэзлөн шутнялём, разрыввезлөн гымалём.

Революционнöй отрядэз шаг бöрсянь шаг бось-тiсö площадь и вешшисö одзлань.



Эта кадö кынымкö дас революционнöй солдат решитисö мунны отчаянно смелöй попытка вылö: ния думайтисö пырны Зимньюяс лазаретöt.

Лазарет, кöдаын куйлисö фронт вылись локтöм ранитöм боеццез, вöли двореццыс сия частьын, кöда петлис Алмиралтейство дынö. Солдаттэзлö кокнит вöли баитсьыны ранитöммезкöt. Ния осьтыштисö невна ыбös, кöдаöt пыралисö лазаретö, и солдаттэз гусьоник, öтикөн пондисö пырны татчö. А эстисянь ния нильдötчылисö двореццыс пытшкись помещеннёзö, сорласисö неприятельскöй войскоэзкöt.

Солдаттэз надейтчисö сы вылö, что паськөм сьöрти нийö оз позь тöдны ны коласись, кöдна тышкасисö Временнöй правительство ладорын: эд ния новйисö сэтшöм жö форма, нийö жö руд шинеллез.

Сидз самöй ыджыт бой коста двореццын лоисö кынымкö дас краснöй агитатор.

Асланыс оланөн рискуйтикö, ния сэк жö пондötисö ассиныс опаснöй удж: баитисö юнкеррезкöt, убеждайтисö нийö дугдötны сопротивленнё, противник войскоэзын кöдзисö неуверенность, смута и полöм.

А революционнöй отряддэз эзö дугдötö наступленнёсö, дворец дынö локтисö сё матöжык.

Кöр ния мöдпöв уськötчисö атакаö, ойшöрыс чулалис ни.

Вдруг лөнъсисö ружейнöй и пушечнöй лыйсьöм-мез. Дугдисö кывны голоссэз. Быдös бытьтö кулис. И эта лөнъын куимнан ладорсянь — Морскöйсянь, Миллионнöйсянь и Александровскöй сад дынсянь — площадьöt дворец дынö уськötчисö революционнöй отряддэз.

Эта кадö бöра пондисö кывны неприятельскöй пулемёттэз, пондисö лэбзыны ручнöй гранатаэз.

А красногвардееццезлөн, матроссэзлөн, солдаттэзлөн цеппез шупыта мунисö олзлань, котöртисö веськыта юнкеррез вылö дворец дынö.

Вирдыштіс прожекторлөн югөр и секунда кежө югдөтіс неприятельскөй укрепленнээз, юнкеррезлісь напряжённөй чужөммез, нылісь повзьөмсянь кынмөм синнээ. Сыбөрын быдөс өтлаасис өтік пемыт тшакыльө. Эшө мгновеннө — и торжествующөй победнөй горөтөм кыліс валитөм керрез мөдөрын ни.

Юнкеррез вөлісө нырыштөмөсь, берездөтөмөсь, вештөмөсь.

Красногвардеецез рознитлісө керрез, жугдалісө ыбөссез, валитчылісө ворота вылө, кайлісө сы кузя вылө.

И вот ыджытсся-ыджыт көртовөй воротаыс дрөгнитіс, сылөн кыкнан джыныс пондісө плавнөя да жагөник оссыны. Лавина моз дворецө уськөтчисө революционнөй отряддэз.

Ны одзын оссисө чочкомөн свиттялан паськыт лиснич, просторнөй коридор, кытөн сулалісө мраморнөй статуяз и вөлісө өшлөмөсь картинаэз.

Юнкеррез лыйсисө вылісянь, лиснич перилаэз сайө дзевбисьлөмөн. Нія сайөвтчисө колоннаэз да статуяз сайө и сэтчинсянь лыйлісө наступайтиссес кузя.

Враг вөлі быдлаын: сія сайөвтчис, кыз ыджыт вөрын, эз понды тыдавын. Сы йылісь позис төдны только өтмөдөрсянь видзчисьтөм лыйсьөммез сьөрті.

Ковсис вешшыны одзлань осторожнөя, бойөн вөсөтны юнкеррезсянь өтік помещеннө бөрсянь мөдікө.

Час да джын сьөрва кыссис дворецын эта битваыс.

Но вот революционнөй отряддэз локтісө сія комната дынө, кытөн заселайтисө Временнөй правительстволөн министррез. Ыбөс дынын сулаліс, ружьёэсө одзлань мыччөмөн, юнкеррезлөн отряд.

Красногвардеецез мырдялісө ны киэзісь винтовкаэз и пырисө комнатаө.

Ойся кык часө министррез вөлісө арестуйтөмөсь да иньдөмөсь Петропавловскөй крепостьө.



Временной правительстве сессия эз вёв.  
Петроградын вооружённой восстание победитис.

## ЛЕНИН ЛӨН РЕЧЬ

Октябрь 26 луно рыхнас 9 часо Советтэзлөн  
II съезд өксис аслас мөдик заседанне выло.

Залыс бөра вөли тыртөма рабочөйезөн, крестьянаөн, солдаттэзөн, матроссэзөн. Бөра өтмөдөрө ветлис невежөртана шум, көда вачкисис море шумитөм выло, тысяча отир баитөм выло.

И вдруг быдсөн залыс пондис дрөжитны киэзөн шовкөтөмсянь, восторженнөя горөтлөмсянь. Быдөнныс орөтчытөг видзөтисө өтик ладорө — трибуна выло.

Сэтчин сулалис сия мортыс, көда создайтис победоносной восстаниелис план, сия, көда сплотитис народ и вайөтис сийө победаөдз. Трибуна вылын сулалис Ленин.

Ордчөн сыхөт сулалисө сылөн соратниккез, сылөн испытанной друггез: Сталин, Свердлов, Дзержинский.

Дыр эз лөньсы приветствиеэзлөн буря. Ленин дыр эз вермы пондөтны речсө. Сыбөрын залыс лөньсис.

Ленин баитис совсем простөй кыввезөн. Сидз, что былло вөли вежөртана, но эна кыввезын вөли висьталөма медважнөйыс, сы йылись, мый лоис.

Эд человечестволөн быдсөн история сьөрна рабочөйез и крестьяна первуись босьтисө власть асланыс киө. И өни ныло колө странаын быдөс керны мөдпөв, керны сыын ассис, социалистической порядок.

Ленин баитис ния задачаэз йылись, көдна сувтасө виль власть одзын, ния трудносттез йылись, көднө колас вермыны. И, кызд пыр, Ленинөс кывзиссезлө кажитчис, что ния кылөны голос не өтик мортлись, а голос быдсөн народлись, что этө ачыс народ баитө Ленин голосөн.

Съезд постановитіс прениеэз не осьтны. Коліс тэрмасьны. Одзаным сымда удж!

Съезд примитіс куим великōй документ — победившōй народлісь куим первōй закон:

Воззваннє „Рабочōйезлō, солдаттєзлō и крестьяналō!“ Советтєзлōн съезд обявитіс, что ѳнісянь ачыс народ Советтєз-пыр пондас веськōтлыны миян странаѳн.

Мир йылісь декрет. Советтєзлōн съезд предложитіс быдōс народдєзлō дугдōтны захватнической война, кōда пондōтōма ны правительствозōн, кōда пондōтōма капиталисттєзōн.

Му йылісь декрет. Советтєзлōн съезд странаын быдōс мусō сетіс нылō, кин сы вылын уджалō, — крестьяналō.

А сыбōрын, кōр эна законнєс вōлісō примитōмōсь, пондїсō бōрйыны виль, советскōй правительство.

И медодз правительствоѳ бōрйисō нїѳ, кин руководитіс восстаннєѳн, кин освободитіс народсѳ и нуѳтїс сїѳ социализм дынѳ, — Ленинѳс и Сталинѳс.

Сїдз, Великōй Октябрьскōй социалистической революция биын, чужис советскōй власть — уджалїссєзлōн власть, мирын первōй рабоче-крестьянскōй правительство.



Цена 2 р.

2.00

Л. Савельев  
ШТУРМ ЗИМНЕГО

*На коми-пермяцком  
языке*